

寶星陀羅尼經

上

殷

C40
4514
37



240-4514

了翁上座請大藏及有
家書置武州紫雲山
我微笑塔院直府中永
為學者不敢許出院內
當山二世鐵牛機謹誌

B 64853

~~寶星經序~~

唐釋法琳撰

寶星經梵本三千餘偈如來初證覺道度目連身子及降伏魔王護持國土說此經也自像化東漸綿歷歲時三輪八藏之文四樹五乘之旨顯神光於后室流梵響於清臺雖韻譯相尋尚多疑闕我大唐皇帝至聖至神迺文迺武乘機撫運拯溺救焚反上皇之風行不言之信去泰去甚旣揜頓於八紘無事無爲乃朝宗於萬國瀚海天山之地盡入提封龍庭鳳穴之鄉咸霑聲教仁踰解網治踵結繩大德閑閑外齊

0 1 2 3 4 5 6 7 8 9 200

1 2 3 4 5 6 7 8 9 200

卷之二

三十六

八則小心翼翼內整四儀臨赤縣而溢慈悲寄玄扈而敷弘誓每以諸有非樂物我俱空眷言貞要無過釋典有中天竺國二藏法師波頗唐言光智誓傳法化不憚艱危遠涉葱河來遊真丹以貞觀元年景戌洎于京輦既登上席爰懋錦衣有詔所司搜駁頤德兼閑三教備舉十科者一十九人於大興善寺請波頗三藏相對翻譯沙門慧乘等證義沙門玄暮等譯語沙門慧明法琳等執筆承旨愍懃詳覆審名定義具意成文起貞觀二年二月訖四年四月凡八卷十三品用紙一百三十幅總六萬三千八百八十二言

歸命一切佛菩薩

上卷身
下卷身
可重蘇達得

寶星陀羅尼經卷第一

唐天竺波羅頗密多羅譯

降魔品第一

如是我聞一時婆伽婆住王舍城竹林迦蘭陀池邊
與大比丘衆一千人俱皆阿羅漢諸漏已盡所作已
辦捨諸重擔逮得已利盡諸有結皆得正智心善解
脫及大菩薩一萬人俱其名曰持須彌頂童真水智
童真地智童真勝智童真空智童真明智童真電智
童真文殊師利童真降伏勝童真水天童真無垢童
真彌勒菩薩摩訶薩等而爲上首一切皆得羼提陀

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

羅尼三摩提具足一切法無障礙智於一切衆生其心平等過諸魔界善入一切如來智境界具足大慈大悲善解方便智皆隨佛住王舍大城竹林迦蘭陀池邊爾時王舍大城有二外道聰慧明達過十八明處與五百人俱一名優波底沙二名俱利多而爲上首共相謂言契同甘露爾時長老阿說示此言於日初分著衣持鉢入王舍大城乞食時優波底沙見阿說示生希有心我未曾見如此沙門威儀庠序更無有人如彼比丘我應往問今此長老以誰爲師依誰出家依誰求法爾時優波底沙卽往彼所到已問訊

種種語已却住一面白長老阿說示言以誰爲師依誰出家依誰求法爾時長老阿說示答優波底沙言有釋種子勇猛精進能大苦行於一切處最上自在已度生死無邊大海今以大悲欲度衆生號名爲佛覺悟衆生乾竭苦海無與等者我常歸依求無垢法優波底沙言彼師爲汝說何等法以何教示時長老阿說示答優波底沙曰善哉快哉諦聽諦聽當爲汝說便說偈言

煩惱業因緣 世間如是轉 煩惱業不生
導師如是說 生老死定壞 彼解脫無上

如彼勇牛王 如來自悟說

爾時優波底沙聞此法已遠塵離垢法眼清淨得須
陀洹果而說偈言

我證解實法 永竭生死河 所謂如來說
難得甘露藏 衆生得息苦 智慧能斷除
諸法種種修 能作究竟道 行此究竟道
得無等涅槃

爾時優波底沙說此偈已白長老阿說示言長老汝
師如來阿羅訥三藐三佛陀今在何處阿說示答言
長老我師如來今在王舍城竹林迦蘭陀池邊與大

比丘衆一千人俱本是外道值佛出家優波底沙言
我今辭善知識及諸眷屬詣佛出家爾時優波底沙
禮阿說示足右繞三匝辭已而去往俱利多所時俱
利多見優波底沙從遠而來見已白優波底沙言仁
者諸根清淨顏色怡悅必得甘露優波底沙言如是
長老我於今者得甘露法諦聽諦聽今爲汝說我所
得法爾時俱利多卽從座起偏袒右肩右膝著地合
掌恭敬便說偈請

說此吉祥無憂道 此道疾度三界海
分別諸陰大怨賊 乘此道已不還有

0 1 2 3 4 5 6 7 8 9 200 1 2 3 4 5 6 7 8 9 20

1 2 3 4 5 6 7 8 9 20 1 2 3 4 5 6 7 8 9 20

經

增補龍藏卷之二

五

三七

爾時優波底沙以所聞偈卽爲說之
煩惱業因緣 世間如是轉 煩惱業不生
導師如是說 生老死定壞 彼解脫無上
如彼勇牛王 如來自悟說
爾時俱利多聞此偈已心大歡喜重更讚歎請說前
偈

苦滅寂無垢 牟尼說此法 一切煩惱滅
諸見無知斷 犢惡有爲空 無我不可信
重說無垢句 我聞得涅槃
爾時優波底沙卽便重爲說所聞偈

煩惱業因緣 世間如是轉 煩惱業不生
導師如是說 生老死定壞 彼解脫無上
如彼勇牛王 如來自悟說
爾時俱利多聞此偈已遠塵離垢法眼清淨得須陀
洹果復以偈讚
如此真行法 度流之疾船 此智慧三苦
能度於世間 諸陰煩惱魔 知此能調伏
解脫離怨諍 乾竭於苦海
時俱利多言今佛世尊住在何所優波底沙言長老
我聞世尊在王舍大城竹林迦蘭陀池邊與大比丘

經

增補龍藏卷之二

五

僧及菩薩衆俱我今定當與汝俱往至世尊所求佛
出家俱利多言如是長老可語弟子往世尊所相隨
出家時優波底沙與俱利多住自衆所爾時惡魔於
一念頃聞中摩伽陀國有二外道優波底沙共俱利
多及諸眷屬聰明具足名稱廣遠是善丈夫欲於沙
門瞿曇法中出家學道便作是念卽厲聲大呌而唱
奇哉若此二人於彼沙門瞿曇法中而出家者空我
境界我應至彼二丈夫所破其出家令著惡見爾時
惡魔於一念頃從自宮沒作阿說不形相威儀便於
中道現一人前作如是說

如我先所說 試汝非決定 如汝意所行
宜速受欲樂 一切黑白業 因果悉皆無
無生老病死 亦無於後世 福非福果業
無有此因作 釋子爲利說 汝莫信故去
爾時優波底沙俱利多聞此說已咸作是念此惡魔
來欲壞我等出家之事爾時優波底沙顧謂弟子作
如是言汝等今者當憶世間所有過患便說是偈
衆生爲老逼 死苦之所纏 應當斷彼一
決定當出家

爾時俱利多卽以偈頌答魔王曰

知無上善智 持法滅三苦 汝說不斷貪
我智終不動 如是堅固心 於餘人所無
我等出苦輪 正智所不惑 勿假師子像

而作野干聲

爾時見諦諸天住虛空中讚一丈夫言善哉善哉汝
二丈夫於一切衆生中最爲上首此道勝妙於一切
世間最爲第一此道息一切苦此道入一切如來行
處此道一切諸佛所共稱揚所謂依佛出家是時惡
魔心生憂苦便沒不現爾時優波底沙共俱利多自
觀已衆喚諸弟子作如是言汝等應知我等欲度老

死苦海故依佛出家汝等若不樂佛出家可於此住
時五百弟子咸作是言我等解法皆依師學二師決
定大處出家二師所依出家處我等隨師亦依彼衆
由家學道爾時優波底沙及俱利多與五百徒衆欲
往佛所是時惡魔知彼事已於王舍城外化作大坑
深百由旬令彼二人不得往詣佛世尊所是時如來
以神通力令彼二人不見大坑直道而去是時惡魔
於一人前復更化作高峻大山高千由旬峻險堅阻
無有穿缺於彼山中復更化作一千師子威猛可畏
是時世尊以神通力加彼一人不見大山及彼獅子

又無威猛可畏之聲直道而往詣世尊所及彼無量百千之衆圍繞供養說法之處爾時世尊告諸比丘汝等見彼一善丈夫爲衆上首與諸徒衆來至我所汝等見不諸比丘答咸言我見佛言此善丈夫及諸徒衆我邊出家一人於我一切聲聞弟子之中智慧第一一人於我聲聞衆中神通第一是時衆中有一比丘以偈讚曰

此二聰徹眷屬俱 利益上者佛已說
具智神通無所畏 故我承迎二丈夫

爾時彼比丘說此偈已卽從座起與無量比丘衆及

出家優婆塞等迎彼二人善言問訊時彼二人往到佛所到已頂禮佛足右繞三匝住立佛前白佛言世尊我等今者求佛出家受比丘戒修行梵行佛言善男子汝二人名字何等優波底沙言底沙是父舍利是母我今從母故名舍利弗父母今者聽我出家俱利多言憍陳如是父目伽羅是母我今從母故名目伽羅父母今者聽我出家佛言汝等二人及諸眷屬可於我所出家具足修行梵行作是語已時此二人成具足戒五百徒衆未久之間亦同一師得具足戒爾時惡魔卽自化身作魔醯首羅像住立佛前說如

是偈

世間利智能議論

方便勝智到彼岸

彼等悉來頂禮我

我是彼等大導師

瞿曇弟子并眷屬

一切宜速歸依我

我今爲汝當廣說

安隱寂滅善妙道

爾時世尊以偈答曰

汝所說道趣惡道

衆生行者沉苦海

我道能令動不動

世間苦海悉乾竭

何故傲慢耐無恥

復作矜高野干聲

我今退破汝魔事

不復於我能所作

爾時惡魔變摩醯首羅像卽沒不現復作梵天王像
住於佛前說如是偈

煩惱業有芽 智慧已斬除 何故強於此

勤苦利衆生 於世無自在 以無堪道器

牟尼病已除 宜速入涅槃

爾時世尊卽以偈頌報魔王言

我觀諸衆生 過彼恒河量 以大慈悲力

教化令解脫 上中下衆生 令世間解脫

衆生解脫已 然後乃涅槃 何故以惡慧

詐誦請於我

0 1 2 3 4 5 6 7 8 9 200

1 2 3 4 5 6 7 8 9 200

經

爾時惡魔心生憂悔於佛前沒還自天宮入憂惱室
默然而座當於爾時一刹那頃魔諸眷屬互相推問
今我大王以何因緣入憂惱室無人知者爾時魔王
五百妓女種種莊嚴各持華鬘末香塗香鼓天妓樂
五百音聲第一微妙歌舞戲樂甚可愛樂集魔王前
爾時魔王悲啼握手抑止悲聲如是作已覽時默住
諸妓女等復更歌舞作欣悅狀令魔歡喜爾時魔王
舉手大叫作如是語莫聲莫聲乃至七返諸妓女等
默然而住爾時魔宮有一妓女名電可意聲至魔王
所曲躬合掌說如是偈

汝今居自在 如見死相憂 爲是擔重擔
今乃生怖懼 誰有勝力怨 而憂不歡悅
是時魔王說偈報曰

我有大怨調伏心 善學幻術釋迦子

我無方便能壞彼 如是不久欲界空
時彼妓女便說偈曰

大家方便堪無量 勤力壞彼必無餘
三有長縛誰能解 貪海沉沒誰能竭
是時魔王說偈報曰

檀那及苦行 悲願爲絹索 持空無相弓

器仗中第一 能斷於生死 諸有盡無餘
以空爲城林 弟子居山谷 精進常修定
盡諸有過患 方便神通力 慈悲爲伴助
優波俱利等 牟尼悉降伏 於彼三界中
方便善調攝 欲空我境界 一切悉無餘
爾時五百妓女於魔王邊聞歡如來所有功德卽得
菩薩三昧名雖一切相電光三昧時彼五百妓女卽得
以天上諸莊嚴具雨天香華及天妓樂遙向佛所供
養世尊於竹林上猶如雨下以得如來神力加故令
彼天女遙見世尊及諸徒衆見已歡喜生清淨信第
一愛敬爾時衆中諸比丘等見竹林間有如是相便
生疑怪白佛言世尊我等昔來未曾見聞於竹林間
如此瑞應香華等雨將非舍利弗目犍連等現此相
耶何因緣故覩斯希有爾時世尊告諸比丘非此二
人現神通相此乃天魔五百妓女於彼魔宮雨此香
華及莊嚴具持供養我不久來此皆於我邊得受阿
耨多羅三藐三菩提記時彼魔王五百妓女遙聞佛
記轉復歡喜生清淨信以淨信故卽得不忘菩提心
三昧爾時魔王五百妓女著一肩衣右膝著地於魔
宮中向佛方面合掌恭敬說如是偈

1 2 3 4 5 6 7 8 9 20 1 2 3 4 5 6 7 8 9 20

經

寶印陀羅尼經卷第一

三

三

一切世間盲無眼 惟佛一人名見者

能竭人天渴愛河 如來自度及一切

我等云何速成佛 人天恭敬能說者

女身可狀宜應捨 速近牟尼聞正法

如來最上神通智 開示我等爲勝導

持彼無上覺支寶 無垢妙說如淨燈

勝力降魔無等倫 覺悟我等當受記

爾時魔宮五百妓女從座而起至魔王所異口同音

而說偈言

如來勝德終不動 云何於佛而生瞋

此身衆苦之所逼 更起醉慢而自塗

應捨此瞋決定信 彼拔生死橋慢泥

衆生體性佛所知 我等應往慈悲所

爾時魔王念彼諸女生於如是增上惡意我今應以五種之縛縛此五百諸妓女等令住於此不往佛邊此五百女以得如來念力加故而彼魔王所不能制爾時五百諸妓女等於彼魔宮欲往佛所當發足時魔甚瞋恨便作是念我今自以境界之力制此諸女即起非時毗嵐大風偏滿虛空欲令諸女迷失諸方還住我宮不見瞿曇以佛力故尙不能起微細之風

經

寶藏集雜記卷第一

三

三四二

乃至不能動一毛端何況無量爾時魔王轉增憂苦
心生悔惱悲泣高聲喚其諸子及其眷屬一切魔宮
大聲徧滿而說偈言

愛子眷屬悉皆集 我心熱惱如毒樹

壞我神通境界力 美言詣幻釋迦子

爾時魔王所有男女并諸眷屬聞此音聲悉皆馳赴
住魔王前彼眷屬中有一魔子名曰勝智合掌住立
說如是偈

此非劫燒非死相 何故種種憂惱生

此無大力能勝怨 何故異智似愚癡

爾時魔王說偈報曰

今此釋迦子 坐彼林樹下 現前有大怨
云何汝說無 彼詭有勝力 令我心荒怖
我軍并我子 如灰入熾火 名稱勝丈夫
聰睿多才藝 現集及未集 今悉歸依彼
我怨以詐親 詭智力甚諍 高名勝智人
悉爲法鉤牽 今此諸侍女 於我無悲心
見捨昔所愛 盡往々門所 指我以爲證
今日歸依彼 一切一有地 諸幻悉令空
彼雖有大力 我破令作灰 我輩一切衆

應當勤所作

爾時魔王一切諸子并其內外所有眷屬悉皆合掌咸作是言我等一切悉皆嚴駕以神通力而自加破以此境界示彼令知退彼釋子令辟如灰若當勝者我等善好若不勝者當歸依彼我等往昔大軍圍繞詣菩提樹向覩釋子獨一無侶以神通力我等軍衆盡皆退壞況復今時無量徒衆悉皆成就時魔報言且去子輩若能煞彼沙門瞿曇當須廻還若不能者亦須還宮而自守護是時魔王卽以左右十二萬衆復過此數乃至八萬四千由旬所有兵衆悉皆徧滿

復以迅疾神通之力現大黑風吹大黑雲雨大炬火悉皆徧滿一切四洲復以手擊須彌山王一切四洲悉皆震動復出最惡可畏之聲須彌山王及諸山王大地峯石一切驚動由此震擊小大池河及大海水悉皆波浪一切諸龍大龍夜叉大夜叉見是事已踴上虛空此諸魔衆住須彌頂復擲大石等由旬量於中摩伽陀國如大暴雨震擊驚動復雨刀杵過鐮大石月鉗曲撩短槊鐵把虎牙大棒及大月箭箇如雨下爾時世尊卽入辟魔軍場三昧於虛空中所有兵仗及大炬火變成華雨所謂優鉢華雨波頭摩華雨

經

佛說阿彌陀經疏解

三

四十二

俱物頭華雨分陀利華雨曼陀羅華雨摩訶曼陀羅
 華雨雨中摩伽陀國復變可畏驚動之聲爲彼種種
 微妙音聲所謂佛聲法聲僧聲波羅密聲神通聲阿
 毗跋致聲受蟻聲四魔退聲往菩提道場聲乃至取
 運聲不取俱聲復變此四洲一切大地所有藥草叢
 林山石土地皆成七寶是時世界無有風塵一切恬
 靜爾時世尊現其身相過於梵世自在而轉從其身
 分一一諸相乃至無見頂相出大光明徧照三千大
 千世界普皆大明是時三千大千世界所有天龍夜
 又乾闥婆阿脩羅迦樓羅緊那羅摩睺羅伽薜荔多

毗舍闍鳩槃茶人非人等地獄畜生閻羅世界如是
 一切悉見世尊及大光明是時天龍夜叉人非人等
 各與若干百千眷屬地及虛空來詣佛所散華供養
 到已右繞讚歎禮拜是時地獄及諸畜生閻羅世界
 無量百千阿閦毗俱胝那由他等各自憶念先種善
 根稱南無佛陀惡趣終已生於天上爾時魔王所有
 諸子二萬一千并諸眷屬見佛神變如是相已各於
 佛所得希有信卽共五百妓女禮世尊足合掌恭敬
 以偈讚歎

妙色淨身喚智海
 名稱高遠無不至

1 2 3 4 5 6 7 8 9 20 1 2 3 4 5 6 7 8 9 20

經

寶光經卷第

卷

三

金色光焰類須彌 我等無怙歸依彼
衆生失道無能見 如來智日能明照
養護衆生永不退 親導我等歸依彼
積集智藏富無量 解脫心性如虛空
慈悲潤澤隨機說 一切成就歸依彼
生死曠野難濟越 如來解脫能開示
巧說因果能顯了 住第一慈歸依彼
境界幻炎如水月 無智翳闇著諸欲
佛爲醫王救世間 是故我等歸依彼
佛真法橋渡四流 富有七財恒資給

世尊正道示世間 大悲我親應供養
我等惡意向如來 今悉懺悔第一覺
所有諸惡能永斷 願佛受我最上依
我等悉捨魔部黨 共發無上菩提心
普請一切衆生類 菩提大願至無餘
佛能顯示我勝行 如我所行波羅密
如來所說無異說 幾法具足到菩提
所散佛華成華蓋 示現無量諸刹土
我今頂禮兩足尊 願涅槃樂利世間
爾時一切魔諸眷屬并魔妓女各持天華遙散佛上

以佛世尊神力加故變成華蓋偏覆十方無量俱胝
那由他百千恒河沙諸佛刹土復過此數變成華蓋
偏覆十方現在諸佛於虛空中隣蓋佛頂時彼魔王
五百妓女并諸眷屬一切悉見十方無量阿僧祇諸
佛刹土安隱說法及見彼佛眷屬圍繞衆生微妙威
光熾盛及見華蓋住上虛空隣覆佛頂彼諸佛皆
同一色形相示現悉皆同等惟彼世尊在師子座種
種眷屬種種佛刹功德莊嚴所現不同又聞諸佛音
聲偏溝句義說法此魔眷屬以佛世尊念所加故得
見如是神通變化既見此已第一愛樂生清淨信禮

佛足已佛前聽法爾時魔王所有諸子并諸眷屬十
二頻婆羅退還魔宮白魔王言我等廣作如此惡事
乃至不能毀壞瞿曇一毛孔等爾時復有一萬諸魔
歸依如來佛前聽法爾時魔王既失威德復大嗔怒
發如是言我於今日無異覺意乃至不能誅滅釋種
所生之子令彼滅壞云何此住便還魔宮入憂惱室
默然而坐

寶星陀羅尼經卷第一

浙江嘉興府平湖縣在城二十一都信士張國
泰全室陸氏男晃晟聘聰明智慧闡然開通
刻此寶星陀羅尼經第一卷共計五千八百二十六字

1

2

3

4

5

6

7

8

9

200

1

2

3

4

5

210

1

2

經

寶星陀羅尼經卷第二

二

三

該銀四兩七錢八分六厘槧板
順治丁酉仲秋購于蘇州
吳慕善

然云

觀主之子今迦葉云可此主更置寶宮人憂惱至
尊者最言并伏今日無異寶意乃至不詣精舍
禪心來物而顛去爾却魔王謂大鬼火燒身
乃至不詣還與瞿曇一手持華爾持寶珠萬種寶
二頭髮螺髻眾寶宮白魔王言并華貴朴吸凡惡事
制五口洲而顛去爾却魔王謂汝言持十

寶星陀羅尼經卷第二

唐天竺波羅頗密多羅譯

本事品第一

時魔妓女及魔王諸子并其眷屬白佛言希有婆伽
婆我等今者志求如是相如是性如是乘如是辯才
智慧如是神通大悲方便希有婆伽婆具足如是智
慧方便神通等法婆伽婆具足幾法能令菩薩摩訶
薩遠離惡友速得阿耨多羅三藐三菩提佛言善男
子若菩薩摩訶薩能具四法遠離惡友速疾當得阿
耨多羅三藐三菩提何等爲四一者不取二者不說

卷之二

三七五

三者不見四者空無分別善男子云何不取所謂不取一切法無一法可得不受不捨不可非不可不建立不念著不分別非不分別所謂行檀波羅蜜不取檀波羅蜜果不受不捨不可非不可不建立不著不分別非不分別乃至行般若波羅蜜亦復如是不分別非不分別復次善男子云何不說所謂不說衆生可得不說命者不說壽者不說人不說衆生界可得不說有意有所取乃至不分別非不分別復次善男子云何不見所謂不見色聲香味觸法不取色聲香味觸法乃至不分別非不分別復次善男子云何空無分別所謂一切三世三界陰界入等因緣果報所緣之法無起無依無有生相不取不捨乃至不分別非不分別何以故捨離一切行一切持一切身及分別不分別故一切智種智相應不可得故當如是行所以者何善男子一切法及一切智乃至無聲無相無字無願無生無滅無體無著無緣無我不可見寂靜離相離念離滅無間無明無處所無境界無根本無伴助不可思不可量無施無慳無行無說無深無淺無受無依無識無取無影無一念頃無分齊無所有畢竟無所有何以故一切智等猶如虛空相應不

經

寶光寺藏

四二

可得故不立相應不取相應不行相應若相應若不相應不分別非不分別當如是行善男子是名具足四法能令菩薩摩訶薩遠離惡友速疾當得阿耨多羅三藐三菩提善男子所有一切內外境界若以一切智智觀察推求依持建立著此二相以意分別起二著故彼便遠離一切智也云何二相若觀察入等取立二相是名遠離一切智也若取立行果是二分別於諸衆生有取立相是二分別開示施設語言之道建立總持音聲之法以智觀察是斷是常是二分別衆生壽命養育人丈夫作使作想建立依持是二分別此彼所有建立籌量不建立籌量是二分別若以一切智智觀察三世推求我作集業所作彼此取立是二分別若以分別有二相者則不能得一切智也善男子如寒求火而返取地如渴求飲而返取火如飢求食而返取石如莊求華而返取衣如薰求香而返取戶如行求衣而返取垢如塗求香而返取空如是如是善男子若行執著觀察是身取立二相求一切智者徒捐精進無道無果爾時衆中有一菩薩名曰持智從座而起於世尊前曲躬合掌作如是言婆伽婆若法不可說彼不能得菩提佛言汝今當知

無得菩提亦無菩提可說善男子諦聽諦聽汝問如是如汝所樂隨汝意說若所有物若一切智有性有相有名字耶持智菩薩白佛言不也婆伽婆若有言說卽墮常見若無言說卽墮斷見乃至中道亦不可得非有非無不取不著不生不壞過阿僧祇不可量不可數無闇無明若如是觀乃得菩提電慧菩薩言婆伽婆無來無去如是善知如是善入乃得菩提毗盧遮那菩薩言如是婆伽婆法不到相非不到相非得時非不得時非作證非不作證非減非不減非三世非不三世非三乘非不三乘亦非行願合集稱量可得如是知者乃得菩提地慧菩薩言婆伽婆若一切法非三界非三結非三明非三乘非陰界入非分別非不分別非減非增無有合集如是知已乃得菩提金剛慧菩薩言凡夫法聖人法學法無學法聲聞法辟支佛法非分別非不分別亦非合集稱量之所能知如是知者乃得菩提堅慧菩薩言如如寂靜如意觀察不捨不住乃得菩提寶手菩薩言若一切法不生不到不時無分別相乃得菩提不思議慧菩薩言若以觀察三界心計入在心是名二心如是二心觀察不可得者以無所得乃得菩提退怨菩薩言若

卷一

論著卷之二

四十一

四十二

一切法無著無貪無捨無礙無願無癡無執無放乃
得菩提蓮華藏菩薩言若罪福性等入是如法深忍
不著我我所作非分別非不分別如是觀者乃得菩
提月光菩薩言若觀一切法聚散隨緣無有自性猶
如水月如是解已乃得菩提虛空慧菩薩言若一切
諸法有闇有明有生有滅有增有減不於諸心數法
而起分別如是知者乃得菩提無盡意菩薩言若修
習三輪清淨波羅密相應不可得不染非不染如是
修者乃得菩提彌勒菩薩言若不緣不受三界依止
梵住依止乃得菩提文殊師利菩薩言婆伽婆若解
甚深一法門者於一切法不染非不染一法門者所
謂無我了彼一法不覺不觀無有將來亦無送去亦
無可聚可散可明可闇可生可滅可增可減可解脫
者不應染濁無分別故以一法門一切智智乃得菩
提懷愛樂菩薩言文殊師利如是一法門一切智智
悉入如法甚深空處何故意有所作及修行方便文
殊師利言捨離惡見修行正見不妄置立捨諧曲心
修質直行不妄置立捨離十惡敬重三寶不妄置立
善說不妄置立正命不妄置立捨一切結不妄置立
大悲平等不捨一切衆生不妄置立三護不妄置立

卷二

寶光寺藏經卷第二

三

四十一

無虛誑法不妄置立不生不滅不妄置立護持正法
 不捨一切衆生不妄置立捨一切所有不妄置立少
 力衆生加以強力不妄置立怖畏者得歸依不妄置
 立非道者示正道不妄置立忍辱柔和不妄置立不
 執著一切相不妄置立捨離一切塵垢闇陰不妄置
 立捨離一切廻向果報不妄置立善男子此二十種
 方便能得一切智智所有文字音聲語言句義差別
 如是一切皆名入一切智智方便一切如來所說及
 餘外道所說一切取捨生滅乃至能知一切三解脫
 依止因緣業行之法悉入於如當知皆是一切智覺

智方便也懷愛樂昔薩言如是如是文殊師利若解
 甚深一法門者無一法可見亦無所說法及以能說
 者乃至文字句義皆應悉捨若修行若識知無有相
 應如是一切名入智覺智佛言善哉善哉善男子汝
 能善說此一法門以一切智智乃得是法云何一切
 法不妄置立所謂不生不壞際不妄置立生死涅槃
 際不妄置立虛空涅槃際不妄置立無生無說際乃
 至一切諸法亦復如是示一切衆生一切法無實際
 示一切著物一切三世三界陰界入等無所有際入
 三行空際入法陰報陰聚散陰無實際入空入真際

經

卷之二

六

四十一

具足一切無說法義是名菩薩摩訶薩入一切智智復以一切智智而得受記說是法時魔諸妓女及魔王子眷屬二萬聞佛所說同時皆得無生法忍悉捨身意所有麤業得自性生身復有二萬八千衆生得無生法忍九十二萬天人得菩薩種種三摩提陀羅尼無生法忍爾時得無生法忍諸菩薩摩訶薩等雨天衆華散於佛上繽紛而墜猶如雨下頭面著地頂禮佛足作如是言婆伽婆我等若值不善惡友與惡和合自在作惡於一切衆生一切功德善根之聚終不能起一念善心佛言善男子汝往過去無量億劫

親近供養無數諸佛以此業緣今生愛樂還得值佛我今爲斷衆生疑故當爲汝說宿世因緣善男子乃往過去無量無數阿僧祇劫有劫名曰具足大勢此閻浮提有轉輪王名優鉢羅華得自在力統四天下王及臣民皆壽六萬八千歲時世有佛號月光明香勝如來應供正徧知明行足善逝世間解無上士調御丈夫天人師佛世尊彼國衆生雖居五濁以修善故不染欲法爾時彼佛常爲四衆宣說三乘相應之法時優鉢羅王嚴四種兵與其夫人後宮眷屬往詣彼佛月光明所到已頂禮佛足散種種華燒種種香

作衆妓樂供養佛已右繞三匝并復頂禮比丘僧足以此二偈讚問彼佛

天龍所仰大功德 過患永斷無上尊

以七法財利世間 願說何等得妙慧

作大慈燈滅世闇 降伏墮生老死憂

能遮人天三惡趣 說何等法脫魔道

善男子爾時彼月光明香勝如來告優鉢羅王言大

王具足三法能得菩薩微妙智慧何等爲三一者大

悲如母能作一切衆生極依止處二者精勤不息能

滅一切衆生苦惱三者等觀一切諸法無命無養育

無人無種種相大王是名具足三法能得菩薩微妙
智慧大王復有具足三法能令不著魔羈何等爲三
一者所謂於一切衆生得不起瞋不求過短二者平
等觀一切衆生作福田想三者能得一切法作一法
觀所謂虛空等一切法無作無種種無生無起無滅
一切空如實相捨離不可得相應觀大王是名具足
三法令善男子不著魔羈永脫魔道時優鉢羅王第
一夫人名天孫陀利共彼宮人姝女八萬四千人俱
前後圍繞往彼月光明香勝如來所到已以種種華
散彼佛上頂禮佛足以偈讚曰

經

三

煩惱翳障已永盡 無比功德解脫尊

云何教我轉女身 令我具足男子相

速疾遠離諸惡趣

於法自在心調柔

最上善逝天人師

能與世間第一利

如蒙世尊捨女身

當得歡喜寂滅樂

云何速說此丈夫

自調調他利益者

我得出離恩愛坑

世間無等最第一

念持廣大功德聚

能速調伏諸群生

今我於此必取轉

惟願速開甘露道

爾時釋迦如來作如是言善男子彼月光明香勝如

來告優鉢羅王第一夫人孫陀利言夫人有智方便
當依修習速轉先世所種女身乃至阿耨多羅三藐
三菩提究竟涅槃更不重受除自發願夫人依何方
便無量先世所種女業速盡無餘夫人有寶星陀羅
尼建立大事具大功德能大擁護善滅女身三業惡
行一切苦報令無有餘若有女人聞此寶星陀羅尼
至心誦念盡此女形後生當得端正丈夫一切身分
悉皆滿足具質直行有大辯才身口意業善相和順
能令現在未來一切怨嫌悉皆退散若有身口種種
惡業現在將來應受苦報以聞寶星陀羅尼威神力

故所作惡業現世消滅無復遺餘置作五逆誹毀正法謗聖人者以聞是經威德力故至其身盡卽捨命時如是等罪亦皆隨滅畢竟無餘若有女人身口所造惡業果報量等須彌後世定受無量衆苦如是種種苦報種種業障種子餘報以聞經力盡滅無餘所以者何由過去一切諸佛阿羅訥三藐三佛陀說此寶星陀羅尼經受持讀誦現前讚歎稱揚隨喜是諸衆生所有苦報以經力故悉皆滅盡所作善根隨時增長若十方刹土現在諸佛阿羅訥三藐三佛陀爲衆生故各各方面說此寶星陀羅尼經衆生聞者歡喜愛樂所有罪障無不消滅所作善根皆令增長若當來世十方刹土一切諸佛說是經處乃至一念生歡喜心是諸衆生皆得盡苦增長善根我於今者亦說此經若有聞者皆當隨喜十方現在諸佛世尊說是經處當共稱揚當共歡喜夫人若有已受璽印刹利王至他土境得此寶星陀羅尼經書持愛樂者以經力故彼刹利王威德高遠有大名稱徧滿十方無量國土乃至一切欲色界天聞其德聲一切天龍夜叉乾闥婆等無量俱胝那由他百千萬億刹利諸王常所隨逐所共守護彼王國土所有一切鬪諍饑饉

他方怨敵風雨寒熱疫病過患皆得除滅一切惡鬼
夜叉羅刹獅子象狼皆生慈心雖在其國不爲損害
其王國土亦無一切麤澀苦味惡觸痛惱無不消滅
一切財寶五穀果實藥草華葉滋茂美味皆得增長
若受印利益利王欲與敵國餘刹利王共鬪戰時應懸
此經置自幢頭以經力故彼怨敵王所有兵衆自然
退散若彼二刹利王受天印者共交戰時各懸是經
置二幢頭以經威力時彼二王便相欽愛共結和好
如是成就無量功德利益安樂一切人王是寶星陀
羅尼經隨有之處若城邑聚落若人非人四足多足
諸惡毒蟲無有能令聞是經者疾病橫死及故惱亂
若是經典所在之處應當盡心設大供養應以供養
之具奉迎此經亦以經卷置師子座讀是經人及聽
經者應當至心清淨洗浴香油塗身著新淨衣受持
梵行散雜色華燒衆名香種種美味恭敬圍繞供養
是經其人若有一切病苦橫死之厄及以怖畏惡相
之徵以經力故悉滅不現若有女人爲求男女皆應
澡浴著新淨衣修習梵行燒香散華恭敬供養是妙
經典便生福德智慧男女如是女人雖不爲已以經
威重熏修入故捨身之後乃至阿耨多羅三藐三菩提

提及得涅槃畢竟不復受女身也除自發願成熟衆生夫人隨聞此經一偈一句一聲經耳乃至飛禽走獸聞此經者亦復如是皆得捨彼畜生之身亦令一切速得不退阿耨多羅三藐三菩提善男子彼過去月光明香勝如來說是經時便以右脚拇指觸地如此世界六種震動釋迦牟尼如來今說此經亦復如是佛神力故時此佛刹山河大地六種震動十方無量阿僧祇天龍夜叉乾闥婆阿修羅迦樓羅緊那羅摩睺羅伽薜荔多毗舍遮鳩槃荼人非人等皆生疑惑一切佛刹大光徧滿地平如掌須彌山輪圍大輪

圍樹林牆壁悉隱不現當地動時彼諸天龍夜叉先懷疑怪如來神力所加被故諸天龍等四方觀望去一箭道便見釋迦牟尼如來各各驚喜生希有心一時合掌瞻仰世尊爾時釋迦牟尼如來作如是言善男子過去月光明香勝如來說是經時以腳觸地六種震動而此佛刹平如水面一切天人皆生疑惑四方觀望去一箭道便覩彼佛月光明香勝如來見已合掌生希有心善男子彼月光明香勝如來卽於天龍大眾之中爲衆生故說此寶星陀羅尼呪曰
多地也他闍盧計一闍盧迦慕計二闍梨闍羅三闍

1 2 3 4 5 6 7 8 9 20 1 2 3 4 5 6 7 8 9 20

梨你四闍羅婆囉帝五闍嚙利六婆囉布樓沙羅又
 那婆摩婁七阿摩迷呵摩迷八婆摩迷婆摩迷
 九那婆迷十摩呵迷十一闍呵迷十二闍呵迷十三婆羅迷十四婆羅迷十五婆羅迷十六婆婆鞞十七婆呵鞞
 八傍伽鞞十八婆闍鞞十九婆羅多婆利篩二十闍呵迷
 呀二十一婆囉鞞二十二阿羅闍嚙離二十三禪堵離二十四禪堵離
 祖堵母二十五婆呵囉二十六婆呵囉二十七迷陀啼囉
 帝二十八檀地羅二十九檀地駛羅三十蘇利耶毗呵咗三十一薩
 梅達囉毗呵咗三十二斫蕎殊底沙毗呵咗三十三薩
 婆叉耶三十四悉底履埵蘇囉三十五毗呵咗三十六闍咗
 伽三十七闍咗伽三十八蘇咗伽三十九毗呵摩四十阿沒履
 呀四十一阿沒履咗四十二阿沒履咗四十三阿沒履咗四十四阿沒履咗四十五阿
 没履咗四十六阿沒履咗四十七阿沒履咗四十八阿沒履咗四十九阿
 没履咗五十阿沒履咗五十一没履咗五十二没履咗五十三没履咗五十四阿
 比婆侈陀羯摩五十五度泥度泥五十六鬱波陀毗耶
 侈陀五十七若那訖履哆五十八阿訖哆波陀五十九咗伽
 離紐迦六十鷲谷隸六十一朋瞿隸六十二毗簿俱隸六十三俱
 俱羅呵六十四因陀羅鉢履婆呵六十五毗也婆侈陀揭
 婆六十六遮婆囉底六十七遮婆囉底六十八遮婆囉底六十九遮
 慕呵達履舍奴七十鉢履跋多婆沙也咗摩七十一訖

經

寶星陀羅尼經卷第

三

四五五

履摩殊底八十 問伽履闍六十 問呵殊底七十 你武
 迦毗囉婆七十 問毗囉婆七十 問毗囉婆七十 問
 蘿闍七十 摩底履伽囉摩婆婆五十 問訖履跋也摩四十
 訖履跋六十 問隸七十 問隸七十 問阿嘵拏婆囉帝七十
 三摩邪你瑟計七十 問陀摩駄那八十 問地夜那八十 阿波
 囉沒履八十 問頗羅君茶羅簿喫八十 問你跋多悉底履
 婆婆四十 問羯摩又耶鉢囉突婆婆否嚙沙唆梵五十
 阿三摩三摩六十 問三摩耶毗地闍若八十 問哆他伽多
 八十娑婆呵八十

爾時釋迦如來說此寶星陀羅尼已於時無聞而此

天地復更震動時彼魔王五百妓女以聞寶星陀羅尼故卽轉女形具丈夫相及無量阿僧祇天女龍女夜叉女乾闥婆女阿脩羅女迦樓羅女緊那羅女摩睺羅伽女乃至薜荔多毗舍遮鳩槃茶等一切諸女聞此寶星陀羅尼故亦轉女形具丈夫相亦令一切諸善男子速得不退阿耨多羅三藐三菩提乃至一切諸女人等於未來世當受女身以經力故來業卽減爾時一切女人皆共合掌頭面禮釋迦如來同時高聲作如是言南無南摩希有能作無上利益者釋迦如來阿羅訶三藐三佛陀惟願大悲廣爲我等說

此本事我今何故女人形相皆已滅盡丈夫身分満足成就以此希有轉變深生慶喜我今已發阿耨多羅三藐三菩提心惟願世尊說此本事令無量天人皆得道果爾時釋迦如來重告賢首善男子言過去月光明香勝如來爲優鉢羅王夫人天孫陀利宣說寶星陀羅尼時孫陀利并其後宮殊女眷屬八萬四千人等女人相滅丈夫相現無量無數阿僧祇諸天天女乃至人非人等一切諸女各轉女形具男子相及未來世應受女身之業亦滅無餘爾時優鉢羅王捨其自在轉輪王位以四天下委授太子卽與夫人

天孫陀利丈夫并其千子共八萬四千天孫陀利丈夫及九萬二千諸餘民庶於月光明香勝佛所信家非家捨家出家剃除鬚髮而被法服旣出家已勇猛精進讀誦受持意樂寂靜時彼無量俱胝那由他百千衆生皆生是念何故轉輪聖王出家入道其著邪者各共相謂作如是言此香勝如來勤樂魔業解作詭幻或時轉女人根成丈夫相或時剃除鬚髮隨與染衣或爲生天上故說生天事或爲生人中故說人中事或爲畜生中說畜生事或爲餓鬼中生說餓鬼事或爲地獄中生說地獄事或說不生不滅之法或

復幻作女人之身勤樂魔業具如上事彼月光明作沙門像我今決定離此住處不忍見彼沙門形相亦不欲聞所出語言時彼衆中鳩摩羅臣心生疑倒向彼國人作如是言我等所有妻妾侍女皆被沙門之所幻化改其女形作丈夫質變化一切剃髮染衣惟我獨身懷憂得脫我今當入深山險谷無人之處如仙人遊避其妖幻汝等一切共我和合可相隨去慎勿入彼沙門魔羅鄙幻沙門我今不欲聞其音聲何況目覩而彼臣民未得心者聞其所言一切歡喜鳩摩羅臣說是語時無量俱胝百千衆生皆墮邪網復爲衆生宣說邪法無有生死亦無解脫作善作惡未來亦無諸業報果報此虛誑沙門勤行魔業若往見彼若禮拜彼若聽彼法惑亂人心惟欲剃髮捨家塚間修行日惟一食以乞自資樂寂靜處入房少語常獸五欲妓樂歌舞捨離華鬘塗香散香嚴身之具亦復不樂種種華飾醉酒昏婬適情之事而彼沙門勤樂宣說行魔羅道即是一切衆生怨家我本不見不聞沙門所作令無量俱胝百千衆生見如是相往昔已來亦未曾覩此惡見者善男子復於後時優鉢羅大沙門聞其國人逃竄山谷或復自行惡見復教餘

經

寶光經卷第二

九

四十二

人令著惡見毀皆三寶謗正爲邪聞是事已卽自思
 惟若彼衆生皆墮惡見不得解脫不住正見不利益
 者不安立者我爲沙門云何令彼未來之世盲冥衆
 生離三惡道去四魔羉未解脫者能令解脫乃至究竟
 競令得阿耨多羅三藐三菩提爾時優鉢羅大沙門
 作是念已卽白月光明香勝如來言我於今者爲衆
 生故發大勇猛行大慈悲便與無量百千衆生前後
 圍繞往彼邊地城邑聚落空山險處爲諸衆生宣說
 正法若彼衆生墮惡見者我今當遮令入正見乃至
 教其安住阿耨多羅三藐三菩提或有願求辟支佛
 乘或求聲聞乘或安立聖果或令出家或勸受持優
 婆塞戒或入齋戒或三歸行或爲安立一切女人具
 丈夫形斷女根業說此寶星陀羅尼呪乃至無量百
 千萬億衆生於如來邊曾生疑倒如是一切著惡見
 者我當遮斷令其發露作是教已悉令安立阿耨多
 羅三藐三菩提皆於月光明香勝佛所俱共出家淨
 修梵行善男子鳩摩羅臣先作是願彼大沙門能說
 幻法破我徒衆誘我眷屬汝未來世當得佛時我還
 於彼作種種魔事所謂始處胎時爲童子時盛年戲
 樂及出家時菩提樹下坐道場時我當種種惱亂種

經

寶光院藏卷第一

一

四二

種破壞令其退失菩提之心善男子時大沙門倍加勤苦勇猛精進遊其本國入彼山險慈語愛語種種譬喻開曉其民彼諸衆生咸見本王聞其說法皆生歡喜卽迴邪心斷昔惡見於沙門所求哀懺悔同發阿耨多羅三藐三菩提心鳩摩羅臣及其徒衆調伏邪心俱懷正信便作願言若大沙門具大悲者將來之世得阿耨多羅三藐三菩提時願垂爲我授菩提記善男子汝等欲知往昔轉輪聖王優鉢羅者豈異人乎今我身是也其王夫人天孫陀利者今彌勒菩薩是誹謗正法懷惡見臣鳩摩羅者今魔王是爾特無量那由他百千衆生聞我說法共捨惡見住三乘道俱得出家及無量女人以經力故成丈夫者於今汝等大衆之中四部弟子是也善男子汝等今當信受我語聞說過去優鉢羅王本事之時勿生疑惑所以者何憶念在昔鳩摩羅臣見其眷屬及彼無量百千衆生同捨魔業在佛法中出家爲道便起惡念願我當來與魔兵衆破汝眷屬還如今日善男子汝等曾於月光明香勝如來所生不淨信作不善語以惡見執迷陷衆生值佛因緣而得解脫由一念善出家力故從是已來親近無量百千諸佛供養供給不生

劬勞於諸佛所發大誓願心樂聽法乃至常行六波
羅密汝等昔來以身口意所行惡業經無量劫常處
三塗加諸苦惱業障所引生魔道中因我釋迦牟尼
如來說此寶星陀羅尼故彼魔衆中五百妓女卽轉
女身同時皆得無生法忍無量無數那由他百千衆
生一切世間天人大衆咸發阿耨多羅三藐三菩提
心及得不退阿耨多羅三藐三菩提無量無數那由
他等百千衆生皆得不退聲聞辟支佛乘

寶星陀羅尼經卷第二

寶星陀羅尼經卷第三

唐天竺波羅頗密多羅譯

魔王歸伏品第三

爾時釋迦牟尼如來說此寶星陀羅尼經時放大光明
徧照此娑婆世界百俱胝四天下處悉皆大明應
時此間百俱胝處欲界諸魔以佛力故皆起驚動共
覩此光所現因緣咸作念言決定是彼惡魔所爲於
四天下有大威德彼於我等大自在力故現此光作
是念時觀見惡魔坐憂惱室極生悒恨爾時此界百
俱胝魔各捨魔宮到此四天下惡魔王所作如是言

經

卷之三

三七

汝欲界王有大自在放此光明普照一切復何因緣
 坐憂惱室時此魔王卽便徧答百俱胝處所有諸魔
 汝等應知此是沙門出於釋種第一諭幻放此光明
 照於世界一切驚動世間所有明慧之人諸梵天王
 及諸龍王夜叉王阿脩羅王摩睺羅王迦樓羅王緊
 那羅王乃至其餘人非人等其中所有聰叡之士一
 切歸向供養於彼乃至六年獨坐無二成就無相大
 幻之力我以自力示現神通嚴駕軍衆三十六俱胝
 周帯圍繞一切魔力用大勤勞畢竟不能令彼首陀
 驚畏一毛何況復能作餘障礙動彼法座今此首陀
 成就如是無相之幻所作示現動此大地并退我軍
 如誅大樹根枝俱倒一切魔界悉皆閼蔽於彼坐處
 成就大明從座起已爲諸衆生開示演說此四天下
 所有衆生聰明智慧悉亦爲彼幻鉤所牽我亦不知
 彼等之心何處何趣何時死何處生今此六趣歸依
 彼者我尚不能驚動一毛況復能今動彼信心我此
 五百微妙妓女及二萬子并諸眷屬皆悉歸依沙門
 瞿曇在彼前坐我於今日不能遮制汝等今者有力
 有福有智自在當助於我斷彼釋子首陀羅命所有
 衆生歸依彼者悉令破散幻詔沙門黑闍部黨悉令

降伏我等魔衆白淨部黨悉令明顯從爾已後當受
樂觸爾時有魔名曰光明觀此闍浮於法座上見如
來身又聞梵音美妙說法見聞此已毛豎驚起向彼
魔王說如是偈

一切刹土中 此色最勝異 功德及智慧
久已淨其身 解脫諸煩惱 長夜善相應
解脫於諸有 盡彼一切憂 汝今勿復瞋
自在所不容 歸依此處者 三有第一歸
汝若於此處 起於剎那瞋 以彼愚癡故
自得於樂壞

爾時衆中復有一魔名珊瑚你弭迦向彼魔王說如是
偈

彼大神通力 最上功德相 一切無所依
依者趣解脫 苦盡無有餘 能說苦盡道
無量百千魔 所不能惱亂

爾時此界魔王說偈報曰

我今所有自在人 悉歸從彼大自在
如是不久空我界 我無趣處復無得
爾時衆中復有一魔名曰新塵向此魔王說如是偈
第一勢力汝先有 自在勇健之所作

1 2 3 4 5 6 7 8 9 20 1 2 3 4 5 6 7 8 9 20

汝今失力復無能 無得共比一切智

爾時衆中復有一魔名曰刀月向此魔王說如是偈

慈悲衆生無惡意 自性清淨無所依

解脫三界遊行處 無趣無行無能害

爾時魔王說偈報曰

欲界所有諸衆生 迷醉倒情著諸欲

於我所作常隨轉 云何共汝不害彼

爾時衆中復有一魔名曰地水向此魔王說如是偈

諸有不堅如幻焰 能知諸有斷諸惡

爾時衆中復有一魔名曰火向此魔王說如是偈

不著諸有如虛空 云何於彼能逼惱

爾時魔王說偈報曰

彼雖自在於三界 飲食衣服恒資用

彼於三受所樂住 云何將死不能害

爾時衆中復有一魔名曰捨愛向此魔王說如是偈

神通境界有所有 惡魔天龍夜叉等

種種惱佛無能觸 云何將死能害彼

爾時魔王說偈報曰

我等昔日斷彼食 於虛空中雨大石

無邊罵詈百種聲 我欲動彼所依處

爾時衆中復有一魔名曰知眼向此魔王說如是偈

經

四

二

汝於彼時作惱亂
舒顏視汝不顰蹙

頗見少許瞋過不
輭音慰喻無惡聲

爾時魔王說偈報曰

彼有智慧能常忍

能斷愛癡諸過失

慈心一切諸衆生

聚集所行無不集

爾時衆中復有一魔名難降伏向彼魔王說如是偈

三結若能縉縛者

我等可應惱亂得

佛乃滅此癡縉障

云何將死能惱彼

爾時魔王說偈報曰

汝等助我力

裝束莫放逸 我變地爲水

連四山爲鬘

虛空雨大石

又放鐵沙聚

月箭曲刀攢

擲彼身卽碎

如是勤方便

極作惱亂彼

汝等相運助

釋子定爲灰

爾時諸魔各各說偈乃至百俱胝處所有諸魔說偈問答皆亦如是爾時彼衆一切諸魔同時發聲作如是言如是應去各各自宮莊嚴甲冑并諸軍衆悉皆擐甲若使我等神通之力一切境界示彼令知沙門瞿曇雖復勇猛豈當我輩軍衆之鋒如是語時於剎那頃百俱胝處所有諸魔各從自宮甲冑莊嚴一一魔軍千俱胝衆著種種甲持種種器仗各別嚴駕於

1 2 3 4 5 6 7 8 9 20 1 2 3 4 5 6 7 8 9 20

經

寶光寺藏本卷第三

三

三八五

夜分中下闇浮提到中摩伽陀國各住虛空隣近於
佛乃至四洲天龍夜叉乾闥婆阿脩羅迦樓羅緊那
羅摩睺羅伽薜荔多毗舍闍鳩槃荼各於佛邊生不
信心無恭敬意於法僧邊亦不信心彼一切魔各遣
軍衆種種器仗擐甲莊嚴大集彼處欲害如來有一
仙人名曰光味於十八明處及神通境界學過彼量
而常承事摩醯首羅與五百徒衆住雪山邊爾時魔
王卽自變身作摩醯首羅像住仙人前說如是偈

瞿曇姓種生 大仙依通者 聰慧住摩伽
今王舍城乞 汝當堅固心 往共種種論

汝極五神通 當決定自在

爾時魔王說此偈已卽隱不現還於魔宮自眷屬所
說如是偈

汝等今日我邊聽 我今思得無比知

釋子所攝所共語

神通加被令具足

彼幻示現其境界

奪我魔之廣大力

如母向子常更語

悉令弟子生喜樂

恒日初分入城邑

徐步攝持正威儀

弟子所行所斷欲

彼彼自當我捉持

美妙歌舞現其前

令彼見聞生惑著

1 2 3 4 5 6 7 8 9 20 1 2 3 4 5 6 7 8 9 20

經

寶光院藏

六

二九

弟子見聞惑著已 應惱釋迦大仙意

爾時衆中復有一魔說如是偈

我今化現可畏事 獅子駝象虎水牛

速疾奔馳彼城邑 驚動現威雷震聲

神通化現無量事 復現兵器逼其前

彼彼所棄諸欲者 或時迷亂令忘失

爾時衆中復有一魔說如是偈

我今於彼四衢道 化現樓觀挾其前

種種奇形醜惡面 種種器仗逼動彼

空中大聲雨刀劍 驚動可畏雷雹聲

於彼境界不自在 速令消滅不現前

爾時魔王以神通力一切嚴駕廣作如上一切境界
如來大慈威德力故亦廣如彼種種示現卽時變此
三千大千佛之世界令此地性猶如金剛一切魔力
不能改轉亦復不能更作惡聲及以火山四方猛燄
亦不能作非時黑雲及惡風氣佛力持故乃至無有一龍能運其身下一滴雨爾時四大聲聞日初分時
著衣持鉢入王舍大城乞食時尊者舍利弗於城南
門值魔童子其數五十第一端正妙色莊嚴大人子
相同在街路歌舞而行遙見尊者舍利弗來卽前共

持尊者兩手謂尊者曰汝舞沙門汝歌沙門時舍利弗語童子言汝當聽先所未聞當令汝聞卽爲童子說如是偈

諸入可狀患 殺處常欺我 我今狀患已
盡彼入邊際 諸陰可狀患 殺處常欺我
我今狀患已 尽彼陰邊際

爾時舍利弗爲魔童子說此偈已卽說呪曰

多哩他一婆呵囉二婆呵囉三婆囉婆呵四麼利脂
婆呵五薩遮豬迦六阿磨婆呵七薩婆呵八

爾時舍利弗於歌舞中說如是偈及陀羅尼時魔王

童子五十人等聞是法音得未曾有甚大歡喜信心
清淨向舍利弗說如是偈

正導我等今懺悔 爲世間親善說者
說陰可畏教我離 今我於此常證見

時魔童子說是偈已頭面著地禮尊者足便於道中
共坐聽法爾時尊者大目犍連欲入王舍大城乞食
於城東門見五十童子乃至於歌舞中說如是偈

諸界可狀患 殺處常欺我 我今狀患已
盡彼界邊際 諸受可狀患 殺處常欺我
我今狀患已 尽彼受邊際 思惟可狀患

經

寶光院藏

三六

殺處常欺我 我厭思惟已 畫思惟邊際
 諸想可厭患 殺處常欺我 我今厭患已
 盡彼想邊際

時大目連於歌聲中說是偈已復說呪曰

多地也他阿磨婆一阿磨婆二阿磨婆三磨婆四阿
 羅闍五擎闍六奢藐他七奢藐他八奢藐他九伽
 伽那婆摩十娑婆呵十一

爾時長老大目犍連爲魔童子說如是偈及陀羅尼
 時五十童子第一歡喜生淨信心說如是偈

具足密神通 聖王牟尼子 生死道過患

法燈普照示 能斷諸過惡 故我生信樂

今卽歸依佛 法僧亦歸依

爾時五十魔之童子於街道中卽便接足禮大目連
 於彼前坐正儀聽法爾時長老富樓那彌多羅尼子
 於城北門入城乞食乃至街中隨彼童子所唱歌聲
 於歌音中說如是偈

日人諸觸可厭患 殺處常欺我 我今厭彼觸
 故盡觸邊際 諸根增上主 殺處常欺我
 我今狀增上 故盡增上邊 感業常流轉
 殺處常顯我 我今厭惑業 盡惑業邊際

123456789

20

123456789

20

諸有可厭患 殺處常欺我 我今厭諸有
盡諸有邊際

爾時富樓那於歌音中爲魔童子說此偈已告童子曰人命輕速難可保任猶如山水迅浪奔流命甚於彼愚癡凡夫都不覺知復次童子一切凡夫色酒所醉無覺知者聲酒所醉無覺知者香酒所醉無覺知者味酒所醉無覺知者觸酒所醉無覺知者復次童子人命輕速甚彼山水愚癡凡夫都不見知法酒所醉無覺知者陰酒所醉無覺知者界酒所醉無覺知者封酒所醉無覺知者樂酒所醉無覺知者生酒所醉無覺知者欲酒所醉無覺知者復次童子人命輕速猶如山水迅浪奔流命甚於彼愚癡凡夫都不見知乃至爲彼一切情識取著之酒所共迷醉都不覺知卽爲童子而說呪曰

多地也他揭伽婆一揭伽婆二揭伽婆三跋尼四阿
伐多五毗伐多六咅伐多七跋囉末他八殊底伐多
九娑婆呵十

爾時長老富樓那於歌聲中爲魔童子說如此偈及陀羅尼句時彼五十童子第一歡喜生淨信心說如是偈

汝今教我寂滅道 諸界猶如彼幻焰

世間惟從分別生 故我身命歸三寶

爾時五十魔之童子於街道中卽便接足禮富樓那
於彼前坐正儀聽法爾時長老須菩提於城西門入
王舍城次第乞食於街道中逢值魔王五十童子華
年盛美顏色端正容止庠雅大人子相共戲街道歌
舞而行見須菩提卽便趨往各共捉彼尊者兩手作
如是言汝歌舞沙門汝舞沙門須菩提言諦聽童子汝
先歌音所未聞者當令汝聞汝且默然聽我歌聲時
須菩提卽爲童子說如是偈

一切有爲法 動性皆無常 如彼幻泡焰
雖見不可得 速疾生滅法 一切無覺者
觸受是苦擔 愚癡者隨著 有爲逼迫苦
一切悉無我 善友不相應 故無脫苦者
親近菩提道 淨信於一相 一切法離相
不淨無我相 一切行無實 亦無於性相
諸法無命養 無人無作者 汝捨魔誘意
發覺生淨信 諸識依根起 如電依虛空
觸受思無我 觀察無有實 愚癡凡夫聚
此陰恒流轉 淨心分別生 作者不可得

經

寶光寺藏經卷之三

二

三

四

五

六

七

八

真際寂滅空 能離一切邊 此法無無明

故說菩提行 如彼大船師 普運到菩提

爾時長老須菩提爲魔童子說此偈已卽說呪曰

多地也他蘇文第一毗文第二文陀闍醯三死梨死

梨死梨四阿婆死梨五阿婆呵死梨六多他多婆死

梨七部多句胝死梨八娑婆呵

爾時長老須菩提爲此童子於歌聲中說此偈辭及陀羅尼句時彼五十童子第一觀喜生淨信心說如是偈

我依惡知識 未聞如是法 愚癡無智故

造作此惡業 我今發露懺 願尊證知我

尊從勝法生 故我發大願 願我得作佛

普利益衆生

時五十童子於街道中卽便接足禮須菩提於彼前坐正儀聽法爾時世尊以神通力令此街道百由旬量廣博嚴淨而爲示現時舍利弗北面而坐大目犍連西面而坐富樓那南面而坐時須菩提東面而坐四人住處共半由旬應時於彼四大聲聞坐處地中現大蓮華縱廣正等五十肘量闊浮檀金爲莖青毗琉璃爲葉勝藏寶爲鬚真珠爲榮華氣芬馥過彼天

經

卷之三

三

香如此蓮華是出世間善根所生從此蓮華出大光明普照三千大千世界於彼街道其華上涌高三人量而爲示現四天王天此蓮華現以彼天量高五旬而爲示現乃至三十三天此蓮華現以彼天量高百由旬而爲示現乃至阿迦尼吒天此蓮華現以彼天量高半由旬以爲示現於蓮華葉宣示種種美妙句義此地衆生及彼諸天皆聞華中如此偈頌

惟佛清淨生此刹

退彼魔王并軍衆

佛勇猛故轉法輪

世間因此故無疑

諸有聰慧解義論

知法求法求解脫

一切世間聰歟人 優波俱利最爲上
此爲導師已調伏 善巧說此妙大法
一切世間上供養 供養牟尼能說者
具三世智能善說 所學三學能開示
能救世間人天者 無量法義令解知
利益世間教善行 方便智燈照世間
巧說妙法斷三垢 智慧利益無疲倦
世間極苦令解脫 無明闇蔽諸衆生
能與法眼不顛倒 一切大衆普已會
此佛不久師子吼 如來能示第一義

1 2 3 4 5 6 7 8 9 20 1 2 3 4 5 6 7 8 9 20

經

寶光院藏

一九五

妙色力具展轉說 見世沉沒大苦海
來處世間擊法鼓 六根護中住上護
此六隨行六通知 六度上法佛所說
決定說此六種子 能殺六根居村者
六無上事所念者 佛調御王令彼念
於蓮華中說是偈已乃至於彼六欲諸天在蓮華中
復爲諸天說如是偈

汝等和合遊 樂著貪諸欲 放逸心迷醉
愛蓋之所覆 愚癡常樂著 諸欲酒所醉
以彼放逸故 不供養善逝 諸欲無常壞

如彼水中月 死生堅牢縛 衆生無脫者
汝等無所依 放逸著諸欲 以樂諸欲故
永不得涅槃 常處放逸地 與滅不相應
不看先所作 爲淨爲不淨 爲業受老死
怖畏恒圍繞 汝等放逸故 三惡地所行
以施調繫心 恒修不放逸 先所作善業
應當勤護持 念捨欲不淨 難得後邊故
汝等歸善逝 聽彼說大義 汝等修智慧
解脫寂滅因 與妙法相應 聽如是大義
如是蓮華中說是偈已乃至色界十六天處於蓮華

經

寶光院藏卷第三

古

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

經

寶鏡門卷第三

古

三

中復爲諸天說如此偈

分別善法勤修習

一心樂禪離憍慢

寂靜不亂求解脫

慧所應作斷瞋恚

所有我相十三種

分別爲說修勝忍

以此畢竟速解脫

得至生死解脫處

貪嗜色聚分別者

我性堅固見湛然

彼等不滅所生法
觀彼三界常無我

由見流轉趣惡地
不實無自空無作

修忍分別隨順彼

得彼一切趣解脫

彼等不老不病死

不怨憎會離惡趣

一切諸法等虛空
畢竟淨道最無上

所修相應不二修
意無所著淨諸根

猶如釋子降四魔

應修無相一法性

所有一切相皆離

調順威儀二種斷

此道爲彼最上說

一切法空分別修

若能分別修此空

無生無作受亦無

如空自性觸菩提

遠離希求最無上

爾時如來於彼淨色蓮華臺中出此大聲句義法時
此世界中一切所有人非人等普來街中繞蓮華坐
乃至無量無數阿迦尼吒天悉下天宮繞蓮華坐瞻

經

寶鏡門卷第三

上五

仰聽法是時魔王聞此偈已周市普觀見王舍大城
街中蓮華出此法聲及見無量無數百千俱胝那由
他人圍繞蓮華共坐聽法又見六欲諸天無量無數
百千俱胝那由他等一切諸天悉捨宮殿圍繞蓮華
而坐聽法見聞是已轉過前量加大憂苦悔惱纏心
毛豎戰慄遍身流汗走虛空中以大音聲喚餘魔衆
說如是偈

汝等當聽 善攝外意 我於境界 無自在力
此乃釋迦 最上勝力 功德廣行 流布世間
令彼衆生 堅固所作 於蓮華臺 出此法聲

人天諸子 盡來無餘 決定善人 咸皆渴仰
專意善遊 趣寂滅道 最上功德 第一無上
沙門所作 幻此三界 迷惑一切 令無餘意
人天大衆 圍繞蓮華 疾放雨石 作恐怖聲
以魔囚衆 往摧壞彼

爾時餘魔對彼魔王說如是偈

汝聽我等語 此語能利益 汝知何等法
而不息惡意 如來勝持力 魔軍盡消滅
我等見善逝 心皆大迷悶 佛爲大船師
光顏勝圓滿 置佛善歸依 更無勝歸處

經

卷三

三五

爾時復有餘魔對彼魔王舉體掉動面目顰蹙悲泣
極瞋說如是偈

汝失善道住惡道 可不自知力所能
汝無羞愧比導師 魔力消滅由佛力
世間和合蓮華所 聽法怡悅淨身心
我等穢身失精進 不去消滅剎那頃

今者一切悉歸依 彌陀尼因陀羅

爾時復有諸魔悉皆合掌向彼魔王說如是偈
汝捨法行樂作惡 佛爲恃怙利世間
於諸衆中佛衆勝 佛今已來於此城

我等宜以清淨眼 以喜樂心速往彼
歸依三界之所尊 一切衆生妙良藥
時虛空中復有一魔名曰智聲向此魔王卽便高聲
說如是偈

汝等和合以信樂 一切相應聽我語
發意言行斷惡見 曲躬合掌捨瞋恚
以醒悟心當淨信 隨喜如來最上說
對佛歸依難得歸 我當今日信供養

爾時諸魔無量無邊於剎那頃悉從空下到王舍大
城七寶之門各持種種莊嚴供具來至佛所爲欲供

養婆伽婆故或有變作轉輪王像或有變作梵天王像或有變作魔醯首羅像或有變作自在天像或有變作那羅延像或有變作兜率陀形或有變作欲摩天像或有變作釋提桓因或有變作三十三天或有變作童子之形或有變作毗沙門像或有變作毗樓勒叉或有變作毗樓博叉或有變作提頭賴吒或有變作四天王天臣佐之形或有變作日天子形或有變作月天子形或有變作星宿天子大小之形或有變作阿脩羅像或有變作伽樓拏形或有變作緊那羅像或有變作摩呼羅伽形或有變作寶山之形或有變作金聚之形或有變作種種寶形或有變作寶樹之形或有變作刹帝利像或有變作餘外道形或有變作輪寶之形或有變作摩尼寶形或有變作伊嚩婆茶象寶之形或有變作婆羅呵馬寶之形或有變作女寶之像或有變作王藏臣寶或有變作王兵臣寶如是種種各自現化爲供養故住於佛前或有現於青色青身以白色具莊嚴其身各共執持赤蓋幢旛真珠瓔珞以一多羅樹量之高住虛空中或有現於白色自身以赤色具莊嚴其身各共執持黃蓋幢旛瓔珞之具住虛空中或有現於赤色赤身以金

經

寶勝陀羅尼經卷第三

四士

色衣莊嚴其身各共執持青蓋幢旛行列而住或有現於紅色紅身雨白真珠或有現於白色白身雨紅真珠或有現作天仙之色住虛空中雨於華雨或有變作聲聞之像爲供佛故種種天香雨虛空中或有變作捷闍婆色擊天妓樂或有變作天女之色種種寶器香水灑地或有變作淨金黑色燒種種香或有變作諸天子像歌唱喜舞或有變作種種之色合掌瞻仰讚歎如來或有魔衆隨佛方面一心瞻仰各持種種摩尼之寶供養世尊或有街衢殿堂樓閣窓牖門闕臺上四階之道牆堞樓櫓門間樹上重閣鉤欄

各隨所住合掌瞻仰供養如來爾時魔王見彼一切所有魔衆各與眷屬歸依如來是時魔王轉加瞋怒過於前量驚怖迷亂舉聲悲泣說如是偈

我失勝威德 無復有見助 沙門勝神通

奪我魔境界 應更勤方便 思後時所作

斫斷蓮華根 令衆散諸方 蓮華根斷已

令大衆迷亂 若衆迷亂已 此我後願力

爾時魔王說是偈已如所思惟猶如疾風從空而下至彼蓮華所現之街即便前進欲拔蓮華以佛力故尚不能觸何況侵拔既不能拔復欲摘彼蓮華之葉

經

寶光經卷三

三

三

三

及損華臺又不能損卽欲舉手遙拍彼華是時魔王見彼蓮華如電如影雖對眼根不可損觸爾時魔王盡其神力如其所作於彼蓮華竟不能損復欲驚動一切大眾卽出高大可畏之聲聲亦不出復現威猛以大力勢卽舉兩手欲拍大地令地震動是時大地猶如虛空乃至不可以手摩觸況能令動是時魔王見此大地不可得觸復生是念今此大會所有衆生我當打之令使心亂作是念時乃至不見有一衆生可得可觸況能加逼以佛力故有如是相是時魔王轉加憂惱徧身掉動如大風樹發聲號哭悲懊流淚徧觀四方說如是偈

沙門以幻力 普攝諸世間 令我心惛醉
 迷亂一念頃 境界功德力 此是我所有
 彼以幻力故 一切侵奪盡 我今被所棄
 宜速還自宮 乃至若不去 復及我壽命
 爾時魔王卽欲還宮雖生是念復不能去轉加驚哭復作是念我今於此神通盡也爲復瞿曇自在力也莫復於彼怨家之前令我命盡復作是念我今可隱出此娑婆佛刹之外寧死於彼莫令於此佛刹有一衆生見我死者作是時念乃至不能離此方維況能

經

寶光經卷三

三

經

寶光寺藏

三

三

隱去卽時自見被五繫縛轉復驚瞋高聲悲哭復作是言何哉愛子及諸親屬不復可見爾時有魔名曰智聲卽自變身作轉輪王形向彼魔王說如是偈

汝意何故憂 號呌生悲惱 世間最上者
如來爲上上 佛爲無所畏 宜速求歸依
救護諸世間 如燈照諸趣 歸依恃怙者

畢竟奪三苦 若親近如來 當得寂滅樂

爾時魔王作如是念若我用彼智聲語者沙門瞿曇應當歸依我此繫縛應得解脫是時魔王隨佛方面曲躬合掌作如是言南無無上人中丈夫佛能解脫

老病死者我今歸依是時魔王以偈頌曰

此縛甚險大可畏 我速歸依求善逝

歸依如來得解脫 今始歸依第一衆

我以癡盲瞋正覺 所造過失爲最極

今依汝語故懺悔 置汝現前以爲證

爾時魔王用彼智聲善丈夫語卽於佛前歸依世尊應時自見身縛解脫既解脫已復念欲還魔所住宮卽自見身復五繫縛於此衆中無能去處卽時還復歸依如來生此念時卽於佛邊復得解脫作念欲去卽見繫縛生念欲住卽見解脫如是如是乃至七偏

繫縛解脫魔王自知無所能爲便於佛邊默然安坐
寶星陀羅尼經卷第三

浙江嘉興府平湖縣在城二十一都信士李自新仝室沈氏刻此寶星陀羅尼經第三卷保祐先考李志泓妣陳氏速登蓮界計字七千一百一十一該銀五兩八錢三分九厘梨板十一塊該銀八錢三分六厘

順治戊戌歲孟冬晦升子鄒焯萍衲方來全設

浙江嘉興府平湖縣信士陸模捐貲刻此寶星陀羅尼經第二卷專祐先考ぬ五先妣張氏蚤登蓮界速證菩提併祈嗣續傳燈懇求速賜計字七千四百五十該銀六兩一錢一分一厘梨板九塊該銀六錢八分四厘順治丁酉歲仲冬晦升子鄒焯萍衲方來全設

李自新募梓

寶星陀羅尼經卷第四

唐天竺波羅頗密多羅譯

大集品第四

時彼四大聲聞入王舍大城乞食逢魔童子執聲聞手共走衢中請四沙門非法歌舞時大聲聞在歌音中爲說涅槃相應道句爾時於利那頃大地震動如是無量百千天龍夜叉乾闥婆阿脩羅迦樓羅緊那羅摩睺羅伽先於佛教中得清淨信者面目流淚說如是偈

最上導師現在世 於聖教中惡怪起

經

三九七

辱彼聲聞令世見 衆生云何生淨信

爾時無量百千俱胝那由他天龍夜叉羅刹面目流
淚往到佛所到已於佛前住說如是偈

聖教現在此 當善觀今日 智者勿放捨

爲護正法故

爾時世尊復說偈言

我今自往彼魔所 令魔軍衆悉降伏

當作一切世間導 普教同向涅槃城

爾時一切大衆異口同音作如是言世尊勿往勿往
世尊先說諸佛不可思議諸佛境界不可思議魔境

界不可思議龍境界不可思議業及業境界不可思
議如是一切諸境界中唯佛境界最勝無能及者惟
願世尊不起此座令無量俱胝那由他等諸魔軍衆
自然降伏復能開示無量百千那由他等陰界諸法
竭煩惱海壞諸見網能令無量那由他衆生入智慧
海世尊今日非是去時佛言所有衆生界衆生彼一
切衆生盡變爲魔乃至大地盡爲微塵如是一一塵
復變作魔彼一切魔力欲求害我乃至不能動我一
毛況能損壞我此身分我坐此座能勝無量俱胝那
由他魔又能調伏惟置此魔眷屬難可調伏雖然我一

今當往所以者何此魔以神通力於王舍城已變作種種嚴飾之具供養於我憐愍彼故我今當受令彼魔心能發希有第一歡喜生清淨信當種阿耨多羅三藐三菩提善根種子爾時世尊說是語已從座欲起時彼護竹林天名曰端正往至佛所涕淚交流而說偈言

世尊於今日 非是入城時 此城極廣大
魔衆皆充滿 如是一一魔 心中懷重惡
咸與億千衆 欲圍繞世尊 瞳火皆熾然
毒意轉狂亂 競持鏡器仗 詮惱害如來

惟願釋師子 畢竟慎勿往 或當被非命
失我大歸依

世尊聞已默然不答卽起法座時彼護伽藍天名曰持慧頂禮佛足而說偈言

惡魔大將有五千 各各競持精器仗
純懷惡心立待佛 今日勿往牟尼尊
世尊聞已默而不答將出伽藍時有藥天名曰城慧頭面禮足而說偈言

咄哉失正道 法門當破壞 法舟俄欲沉
慧燈奄不照 世間法味減 煩惱賊盈滿

於諸有界中 我無少自在 最上法散壞
 云何能住持 彼魔軍甚衆 住於惡法中
 各持利刀仗 毒心諍害佛 善逝用我語
 爲利世間故 惟願十力仙 善步莫入城
 世尊聞已默然不答 將發伽藍大門內有一樹天名
 曰持勢卽於佛前大悲啼泣以身投地向佛作禮而
 說偈言

依怙三有當失眼 清意所欲將滅壞

空中刀箭如毒蛇

伺求害佛願莫去

世尊聞已默然不答爾時守大門天名曰水光舉聲

號泣頭面著地頂禮佛足而說偈言

城中名聞大梵志 持月刀仗候待佛

共懷毒害有二萬

在此城中願莫去

世尊聞已默然不對將入王舍城門時彼守城門天
 名曰多摩羅樹葉堅固於虛空中舉聲號哭馳至佛
 所頂禮佛足而說偈言

此道獅子象圍繞 起勇健心諍害佛

及惱比丘作障礙

悲愍天龍願莫去

四道衆中因阨羅

見佛教滅生憂苦

相與雲集共一處

怖畏戰慄共相論

經
卷之四
三

如來既是退魔者 魔今變作極惡面

恐大法滅世災起 日月失度星辰翳

覩惡相現皆拍頭 奇哉善逝有退相

日眼散壞法炬滅 践踐正覺竭法水

世間妙法壞將至 衆魔惡黨漸熾盛

世尊聞已默然不答彼城門天諫佛不廻悲啼流淚

復說偈言

普觀世間牟尼尊 最上說者去當死

莫近我城取死滅 我被三界常毀咎

願聽我說堅固者 今日莫向城中滅

憐愍衆生此處待 解脫衆生生苦惱

如來當憶本誓願 得大菩提度衆生

無量衆生爲苦燒 安隱衆生最上醫

無量俱胝劫住世 爲諸著欲凡夫衆

說法令彼得寂滅 謂入自性空根義

爾時世尊默然不答欲入大門時彼地天與大滋味天并其同類一萬天俱被髮兩面共到佛所合掌住立而說偈言

佛憶昔行檀 施血過四海

頭骨如鐵圍

眼等恒沙數 及種種妙寶

妻子與象馬

1 2 3 4 5 6 7 8 9 20

1 2 3 4 5 6 7 8 9 20

經

寶林藏經卷四

三〇六

衣食房臥具 隨病所須藥 作最上供養
護戒不放逸 數習多聞忍 常孝養父母
修難行苦行 解脫苦衆生 汝昔所發願
成佛說上道 濟拔世苦海 爲衆生說法
令竭苦無餘 使入無畏城 置於菩提道
徧滿衆生界 行惡失道者 懺悔毀聞戒
隨順昔所願 說法俱胝劫 浴以八戒水
令度煩惱河 三界衆生中 更無如佛者
自既得解脫 復解脫世間 運度諸世間
於此三有海 惟佛得如是 世間第一覺

惟佛是世親 願布甘露法
爾時世尊入城門已剎那之頃時有無量憶那由他
天龍夜叉八部鬼神於虛空中各各雨淚而說偈言
我見昔善逝 調衆安隱時 說法作利益
無如是惱亂 大師出惡世 自然成正覺
說煩惱障法 成熟世間故 常作師子吼
無量諸惡魔 欲如是滅法 佛今莫入城
時有餘天復說偈言
諸佛轉法輪 住一方利益 今佛處處往
無令得逢惡

經

寶林藏經卷四

六

爾時復有餘天同說偈言

以悲爲導師

常行利衆生

莫獨入城中

如我見有損

彼時復有無量百千俱胝那由他天龍夜叉羅刹阿
脩羅摩睺羅伽等面目雨淚從虛空中作行而下住
於佛前有無量種異形或有被髮或絕瓔珞或有寶
蓋幢旛皆悉傾倒或復舉身投地或捉佛足或大哀
號或舉兩手推眉懊惱或有在佛足下擗踊悲哭宛
轉于地或於佛前合掌讚歎禮拜或散種種雜色妙
華末香塗香華鬘芻摩縉綵嚴飾之具或散織成寶

服真珠瓔珞種種異物時餘天衆供養佛已同時舉
聲而說偈言

佛所行苦行

爲利益世間

生此末世時

爲衆勿捨去

作佛事未多

天人得證少

久住開示法

度三有世間

有行清淨行

成就甘露器

應起悲教我

救世間苦逼

六趣曠野中

生死失正道

爲彼示光路

敎聖法解脫

此最希有悲

願大覺久住

轉無上法輪

勿令世無怙

時有餘天復說偈言

經

卷之六

二十六

導師若滅沒 世間悉盲冥 八聖三解脫
於此悉皆無 我等已種善 三業不放逸

一切樂具足 久住功德藏
爾時復有淨居天衆與其眷屬無量無邊億那由他

集在一處各共相謂而說偈言
汝等勿怖佛無衰 應於大覺當了然

我憶往昔親見佛 欲界所有俱胝魔

徧滿三十六由旬 利讚利劍及刀稍

飄勇迅疾如雲奔 魔衆雄猛聲可畏

至菩提樹悉走散 於剎那頃皆驚怖

況今果圓名稱廣 彼等何能爲障礙
時有餘天相與悲泣而說偈言

昔一魔軍無大力 今有千億俱大勢
來壞如來定無疑 佛若滅沒世皆闇

爾時梵釋諸天護世間者頂禮佛足而說偈言

以我小智勸佛住 用我等語悲愍者
無量諸天憂火燒 今爲彼等灑法雨

爾時世尊以大慈眼徧觀一切同來天衆出妙梵聲
普垂安慰而說偈言

汝等勿怖今無畏 一切魔衆一時來

經

卷之六

二十六

1 2 3 4 5 6 7 8 9 20 1 2 3 4 5 6 7 8 9 20

經

彼等不能損動我 乃至一毛況復身
我今安慰一切衆 常於世間說妙法
我於如是失道者 當廣分別示正道
我昔已行難行事 廣施衆生以飲食
房舍醫藥不之少 誰能今日惱亂我
我捨車乘與象馬 嚴飾寶具亦如是
奴婢城郭及聚落 誰能與我作惱亂
妻妾男女并眷屬 愛重自在王種位
我與衆生利益故 我身何故今當壞
頭目及耳鼻 手足身皮血 以命施衆生
誰能惱亂我 無量俱胝佛 自手普供養
常樂戒多聞 誰能散壞我 作無量難事
甚能攝伏心 徧割身不瞋 今誰能惱我
煩惱已退成正覺 於諸衆生等慈心
永無嫉妒及穢怒 現前無有如我者
我今破魔所有力 能退無量俱胝魔
決定與汝作解脫 何故懷怖不入城
所有十方及此土 住此諸佛刹土者
彼等一切我普請 及大神通菩薩衆
願令世間悉徧滿 及以福智惠世間

1 2 3 4 5 6 7 8 9 20

1 2 3 4 5 6 7 8 9 20

經

三

共彼如佛法式住 亦持諸佛所順可

爾時無量百千萬億那由他阿僧祇天龍夜叉阿脩羅迦樓羅緊那羅摩睺羅伽人非人等俱來大衆一時同聲唱言善哉復作是言南無希有未曾有無數精進具足如今世尊南無南無大希有未曾有無數精進具足如今世尊安慰一切天人及衆生類皆蒙度脫退諸魔衆散滅衆生煩惱垢聚破我慢山研愛生樹碎生死日除無明闇生外道信竭四流水然正法炬示菩提路授與衆生柔和忍辱遊戲三昧處禪定樂普令覺悟四聖諦道大悲導師廣度衆生於生死海引諸天人入無畏城時諸天人阿脩羅等各以種種天妙華香塗香末香雜寶華鬘莊嚴之具散於佛上爲供養佛故掃飾衢巷以天寶衣天妙華天綺縠偏覆道上又雨曼陀羅波盧沙迦盧遮大盧遮優鉢羅俱物隨芬隨利等種種蓮華隨佛所履布於足下其道兩邊化作天樹枝葉華果悉以七寶而嚴飾之七寶樹上復現種種妙寶天衣天冠耳璫環釧寶飾莊嚴之具是諸樹間有天華池其池四邊周匝七寶清冷美水八德具足衆寶蓮華及妙音鳥雜色間發盈滿其中彼諸天衆供養佛故於虛空中各持七

1 2 3 4 5 6 7 8 9 20

1 2 3 4 5 6 7 8 9 20

經

寶幢旛華蓋校以種種金繩露綬真珠瓔珞又雨金

屑銀屑毗琉璃屑及散一切沉水末香多伽羅末香

黑栴檀末香多摩羅葉香復雨牛頭優羅伽栴檀香

等種種末香徧於道上復雨金繩交絡真珠瓔珞摩

尼珠瓔珞如意珠瓔珞繢紛布護於虛空中隨風廻轉其城內外所有道上悉以種種天莊嚴具而嚴飾之乃至城中魔及眷屬亦以妙好天莊嚴具而嚴飾

之爾時世尊憐愍一切諸衆生故便入首楞嚴三昧其心正受以如所入定在道徐行卽現種種微妙色身威儀相好明希有於其城內道中正立令彼道上一切衆生悉見佛身所有事梵天者應以梵身而得解脫世尊卽現梵身而化度之所有事釋天者應以釋身而得解脫卽現釋身而化度之所有事那羅延者應以那羅延身而得解脫卽現那羅延身而化度之所有事摩醯首羅者應以摩醯首身而得解脫卽現摩醯首身而化度之所有事四天王天者應以四天王身而得解脫卽現四天王身而化度之所有事轉輪聖王者應以轉輪王身而得解脫卽現轉輪王身而化度之所有事諸小王者應以諸小王身而得解脫卽現諸小王身而化度之所有事大神通者

經

寶幢旛華蓋校以種種金繩露綬真珠瓔珞又雨金

屑銀屑毗琉璃屑及散一切沉水末香多伽羅末香

黑栴檀末香多摩羅葉香復雨牛頭優羅伽栴檀香

等種種末香徧於道上復雨金繩交絡真珠瓔珞摩

尼珠瓔珞如意珠瓔珞繢紛布護於虛空中隨風廻

轉其城內外所有道上悉以種種天莊嚴具而嚴飾

之乃至城中魔及眷屬亦以妙好天莊嚴具而嚴飾

之爾時世尊憐愍一切諸衆生故便入首楞嚴三昧

其心正受以如所入定在道徐行卽現種種微妙色

身威儀相好明希有於其城內道中正立令彼道

經

寶光院藏

四五

所有事沙門者所有事童男女婦女身者皆現彼身而化度之乃至所有事師子事龍事象事兔事阿脩羅雜類身者是諸衆生應以彼身威儀色相而得解脫如來悉皆現彼形相而化度之世尊如是種種現時彼一切道行衆生見是事已皆共合掌頭面著地禮拜讚歎圍繞如來得未曾有所有事象事龍事阿脩羅乃至所有事兔神者彼等衆生卽見如來同免形相在道而行所有衆生事於佛者彼等衆生卽見如來如佛威儀在道而行彼等衆生悉皆合掌讚歎禮拜相與依隨從佛後行爾時雪山光味仙人與

其徒衆五百人俱爲魔所遣詣王舍大城令至佛所是時光味於城門內住待如來見佛身相猶如仙人威儀形相顯發莊嚴及見無量百千俱胝諸天圍繞供養見是事已復作是念如此人者真大仙人有大加護應受人天最上供養及見一切身分莊嚴似聖智者我等二人誰爲尊勝智慧誰勝我於今者如何了知又作是念我應近問以何生類以何姓氏受持何等以何志樂以何等行光味仙人自觀徒衆說如是偈

今見多聞大福德 能持大行應供者

經

寶光院藏

生

卷之三

卷之三

三

能知善道牟尼最
大忍智義法具足

汝等一切殷重心
以大方便常供養
哉當於比功德者
聞其善說度彼岸

我當於此功德者聞其善說度彼岸

爾時光味一切徒衆摩那婆等皆共同聲作如是言
如是大師應如是作時光味仙人并諸眷屬往世尊
所到佛前已合掌住立作如是言汝今是誰世尊答
言我是婆羅門仙人復言汝姓何等世尊答言我姓
瞿曇仙人復言汝何志樂世尊答言三解脫門仙人
復言行何等行世尊答言我行真際如仙人復言出
家幾時世尊答言如彼無明久如所起我今出家亦

復如是仙人復言如是大仙星宿應現如所明記頗
誦不耶世尊答言如彼平等我不忘置彼何所有有何
堅固如此相者世間智知仙人復言爲復令諸智
慧之人心生歡喜故作此說世尊問言云何名爲星
宿之句仙人答言二十八宿日月所依隨轉而行各
依彼人橫手八指以爲量法彼十二八指以爲身量
以一八指用爲頂量以一八指爲足掌量如是十四
八指應知是爲星宿量法之句若解如此更無異法
各隨其人有麤記處以爲定法若不爾者大牟尼聽
我今當說星宿之句卯星生者於面右邊權下四指

1 2 3 4 5 6 7 8 9 20

經

卷之四

四六

有赤黑麤麤上有毛名聞智慧爵祿相應威勢熾盛
卯星生者有如是相畢星生者身上有疵若四指量
聰敏貞實心常守法智慧慚愧爵祿具足於一切時
心常勇健能摧勝怨參星生者頸下四指中有黑疵
爲性勇健爵祿具足觜星生者從項量已下一搢手
半左相有麁性多瞋癡而有爵祿富那婆蘇唐言星
生者於左脅下當有黑疵財穀具足而少智慧富沙
此言鬼宿星生者有最上相手中輪相猶如日輪上妙端
正髮相右旋一切依住上身圓滿能破煩惱爲大導
師阿失麗沙此言柳星星生者眉有黑疵好鬪犯戒難與

共住性多姪欲

上七星是東方宿

莫伽

此言

星生者若脣若

背而有小疣是善丈夫能如法行而多財貨初破求

此言張宿星生者或齋左右必當有疵多慳短命第二破

求

此言

翼宿星生者齋下四指若見麁者爵祿持戒皆悉

失壞阿薩多

此言軫宿星生者齋闌已下當有赤麁性好

作賊諂曲少智聰明薄福質多羅

此言角宿星生者男女

陰上當有麁子爲性純直而多愛欲復好歌舞薩婆

此言氐宿星生者或男根頭或在根下有黃麁生受性

多貪瞋惱大衆而無智慧蘇舍法

此言氐宿星生者從跨

已下八指量內隨處而有赤麁生者眷屬具足多有

經

卷之四

古

經

第十一章

四百六

僮僕位居鄉相聰明慚媿勇健謀決能退怨敵常受安樂命終生天上七星屬南方阿奴邏陀此言房宿星生者從膝已上八指量內若有小疣持戒有法爵祿具足逝瑟吒此言心宿星生者脣內有麁短壽貧窮犯戒少慈爲人憎嫉暮羅此言尾宿星生者脣上當有小疣此有福德而速滅門初阿沙茶此言箕宿星生者膝蓋有麁性好捨施能知法道命終生天第二阿沙茶此言牛宿星生者於右脰上當有青麁性好鬪諍人不依附而不信受失羅婆此言牛宿星生者於右脰上必有兩麁常豐爵祿受身無病人所愛樂命終生天陀你瑟吒此言女宿星生者脰

上有麁多瞋少貪雖有智慧而無爵祿上七星屬西方舍多毗沙此言危宿星生者從膝已下十六指內當有黑麁爲性愚癡溺水而死第一跋陀羅跋陀此言室宿星生者從曲膝下八指內膊上必當有疵令人瞋惱愚癡貧窮好作賊盜第二跋陀羅此言壁宿星生者於虎口內當有麁子好施持戒念力強記有智有悲性無所畏麗婆底此言奎宿星生者爲人卑下庸力自活阿溼毗膩此言婁宿星生者足拇指間當有青麁身無病惱而常大力婆邏尼此言星宿星生者於足掌下當有麁子受性無悲好爲宰首破戒惡行死入地獄此言北方七星原缺虛星如上所說

1 2 3 4 5 6 7 8 9 20

1 2 3 4 5 6 7 8 9 20

此卽名爲星宿之句以此得知人之性行貧富好惡
若知此者能令衆生到於彼岸爾時世尊告仙人曰
此是愚癡凡夫所見依心隨著住分別行凡夫熱病
之所妄見如彼狗蛇魚鼈之類若復其餘種種衆生
此富沙星之所生者彼非樂分如汝神通得定解脫
我復能爲一切示者汝今何故不問於我時光味仙
人生大歡喜以華散佛卽便說偈而讚請曰

仙人人形相 我見最上相 不知彼種姓
爲天爲人耶 音聲言語法 猶如大梵天
持行持色相 久遠仙相似 昔所不聞見

具足牟尼相 所師何所說 及說汝之性

爾時世尊卽便以偈答仙人曰

不知此彼岸 故有相建立 被縛一切苦
汝非解脫器 六度是我性 六通婆羅門
說彼六和敬 六根分別修 三法三解脫
平等知無我 菩提心發時 彼時我出家
我相不可得 善修於無相 無人無壽命
知無我亦空 三受三行法 分別修所空
我度智彼岸 此爲無等說 無所著如空
菩提心作者 彼忍力具足 當得如是智

不著於諸法 得報者亦無 如是解順如
菩提不難得 不立於諸法 及不依彼此
真際分別修 此當得如來 無相無想相
離於有所得 諸法非和合 此當得如來
汝捨此等相 自心惑亦捨 汝覺等虛空
如是當作佛

爾時世尊說此偈時時中無間光味仙人并諸眷屬
卽見世尊形相威儀還如佛住復得憶念自念久遠
先種善根而得現前時光味仙人卽得菩薩三昧名
曰寶星所得三昧於菩薩三昧一切觀見如在高幢
觀見一切三昧所得一切自在境界無所繫屬不依
他見無人能壞無人能奪時光味仙人卽於佛前合
掌而住兩手捧華以偈讚佛

無邊稱實說 世間善依怙 如來慧眼光
照一切衆生 出過衆生上 精進常慈悲
稽首堅固者 導師盡諸著 紫磨金色光
觸衆生清淨 覺一切衆生 以菩提功德
佛轉大法輪 能破煩惱山 最後所行訖
今得菩提智 衆生中大醫 真實相莊嚴
說我當得佛 衆生中導師 割壞諸愛網

經

寶光院藏

七

三二十八

自度亦度他 久近得佛說 當作人中上
 苦流漂衆生 令度於有海 涅槃安隱處
 置立無漏道 所有十方佛 功德如大海
 彼爲我作證 回向菩提心 一切諸衆生
 苦觸極惡澀 三世及福德 我今身口意
 及一切衆生 苦滅得佛樂 衆生普具足
 得常住涅槃 衆生病寂滅 煩惱水枯涸
 得智等諸根 自性常堅固 衆生到殺處
 及受衆苦縛 以我福德光 普令速解脫
 一切衆生界 得如海功德 得無量福智

一切樂具足 棄彼諸惡見 速親近正見
 憶念前生處 衆生得法行 一切得法船
 度有海彼岸 旣度彼岸已 得佛一切法
 久住無量劫 普雨大法雨 法雲清淨水
 淨洗諸衆生 若我身口意 一切所作惡
 我一切發露 惟佛作證知 我生敬重意
 莫復行惡業 佛不可思議 常得現前見
 若有一福德 迴向爲菩提 我因諸衆生
 忍受一切苦 我勸諸衆生 行菩提上道
 淨諸刹土劫 及衆生智海 我得淨刹土

經

寶光院藏

大

隨彼證菩提 得清淨徒衆 淨忍住諸地
 決定五神通 我得師子說 無著智示者
 導師當記我 若定得佛時 一切法調御
 我所散之華 空中成華蓋 天龍人等衆
 一切來作證 我頂禮佛足 令地大震動
 爾時光味仙人所散之華住虛空中近佛頂上合爲
 一蓋時光味仙人見此事已倍復過量無餘希望第
 一愛樂生大歡喜即便稽首兩膝著地禮世尊足光
 味大仙禮佛足時應時無間一切三千大千世界六
 種震動所有無量阿僧祇衆生百千俱胝那由他等
 普來集會悉皆悲喜生大驚歎怪未曾有是時如來
 隨彼衆生所應見者現種種身應以象形而教化者
 卽見如來如彼象形生愛樂心又見大仙人所散之
 華住上虛空變成華蓋及大地動既見此已倍復過
 量生希有心到世尊所頂禮佛足所有衆生應以佛
 身而教化者彼見如來如佛身相生希有心是時世
 尊卽便起定從首楞嚴三昧安祥而起無量衆生所
 教化者皆見世尊無餘希望皆大喜悅生愛樂心各
 如所得華鬘衣服末香塗香諸莊嚴具持散供養爾
 時世尊卽爲光味仙人說受記偈

速起聽受記 導師今爲說 大仙得菩提
 地動一擎蓋 住上虛空中 無比加護故
 汝得兩足尊 自在利世間 佛有無邊福
 邊量等虛空 三界中堅固 法燈照世間
 爾時光味菩薩摩訶薩卽前恭敬白佛言世尊我得
 佛利似何等相我於彼利轉大法輪是時世尊告光
 味言汝來世過無量阿僧祇劫於北方分有世界名
 開敷香具足莊嚴有如是相如今西方安樂世界汝
 善丈夫於彼佛利當得阿耨多羅二藐三菩提號無
 塼香光勝如來應供正徧知明行足善逝世間解無

上士調御丈夫天人師佛世尊彼佛壽命十中劫量
 惟諸菩薩摩訶薩俱無有聲聞辟支佛乘純說無上
 清淨大乘時彼大衆聞佛世尊授彼光味仙人記已
 各以所持供養之具供養仙人時五百摩那婆等及
 九十二那由他百千俱胝衆生發阿耨多羅三藐三
 菩提心及得菩薩不忘菩提心三摩提

寶星陀羅尼經卷第四

寶星陀羅尼經第四卷專祈 先考行采 先妣
 馬氏早登蓮界家室康寧計字六千八百八十
 該銀五兩六錢四分梨枝十塊該銀八錢
 順治丁酉孟秋曬升子鄒婦較 李自新募梓

經
寶星陀羅尼經卷第五

寶星陀羅尼經卷第五

寶星陀羅尼經卷第五

寶星陀羅尼經卷第五

寶星陀羅尼經卷第五

唐天竺波羅頗密多羅譯

相品第五

爾時三千大千世界百億諸魔生如是念今佛世尊入王舍城門我等應以最上莊嚴嚴飾此城門內及地方如彼城外天龍夜叉之所莊嚴爾時世尊以他心智知百億魔心之所念欲以神通最上色相莊嚴佛處是時世尊以神通力於王舍大城十二門內一門中皆有如來及諸大眾共入城門時百億魔即以神通種種莊嚴勝中勝者阿僧祇等諸莊嚴具嚴

卷之三
第一

三點

飾城門及地方城壁諸樹地上虛空勝妙莊嚴而莊嚴之時百億魔并諸眷屬或有作於梵天之形乃至作於大仙之形於諸重閣窓門樓櫓却敵樹間諸處地及虛空各於中住以種種華末香燒香金粟銀粟以摩尼真珠及種種莊嚴以嚴衣服并諸綺繡莊嚴具等普雨供養又以種種天之音樂擊鼓拍手種種讚歎歌詠如來無量功德悉皆聚集供養世尊以如是第一最勝莊嚴大希有相所未曾有所未曾聞爾時世尊住城門下以右足指觸城門闕應時無間一切三千大千世界普皆震動及此三千大千世界所

有釋梵日月護世大自在天天龍夜叉捷闍婆阿脩羅迦樓羅緊那羅摩睺羅伽等王地天水天大海諸山城邑等天及諸男女童男童女天仙等衆乃至阿迦尼吒天宮已來所有衆生得大滋味色貌光澤彼一切衆見大地動光照覺悟於王舍大城地及虛空圍繞而住乃至華香黑栴檀末散灑供養是時世尊釋迦牟尼佛以神通力令彼散華乃至末香普徧十方微塵等刹一一方分所有清淨及不清淨空不空等諸佛刹土悉皆供養供給彼佛彼彼佛刹此所散華并諸末香莊嚴具等皆出如是偈句之聲

經

寶光院藏

二

三

汝等疾覺悟 觀不放逸行 最上菩提因
 流轉甚生死 我今拔濟汝 宜速捨世事
 憶往昔誓願 時到熟相應 各得菩提記
 牟尼因陀羅 利益世間故 今入王舍城
 大仙勝無憂 已降百億魔 轉清淨法輪
 應當大歡喜 如是利世間 普示勇健事
 解脫世間苦 今爲摩利沙 當得菩提故
 今授汝等記 速往彼刹土 見妙好莊嚴
 自然如是得 入彼無憂城 漸次菩提行
 決定當得佛

爾時十方微塵等一切佛刹彼彼大衆以佛力故悉見此佛竹林大衆菩薩摩訶薩各各三昧思量是時竹林所有菩薩摩訶薩思惟住者并諸聲聞大聲聞皆見世尊於王舍城門調伏住持彼諸大衆隨世尊後住見大莊嚴具中出諸偈已悉皆徧滿十方一切微塵等淨不淨空不空一切佛刹彼諸佛刹所有菩薩摩訶薩及住聲聞聞此聲已作如是念何處有此法聲徧滿如是可意聲如是美妙如是可愛如是可樂如是可喜如是勸發如是大功德稱揚之聲及見華末香雨雨於十方無量莊嚴無量華香細末之雨

經

寶光院藏

三

時彼菩薩摩訶薩及大聲聞捨所作業皆大驚歎爾時釋迦如來卽入三昧名依佛莊嚴嚴飾三昧入三昧已應時無間一切娑婆世界及十方一切微塵佛刹所有大衆悉見此佛刹中如是大莊嚴相如彼未來世中普見如來淨無染聚世界功德莊嚴惟無一事謂城壁等而自然莊嚴一切十方諸佛刹土微塵等世界諸佛世尊普見釋迦如來住王舍大城光明赫奕甚大端嚴彼諸佛刹所有大菩薩摩訶薩等及大聲聞聞此偈已各皆憶念觀於四方見此世界如對目前以一切諸佛境界力故及見諸天種種莊嚴

時彼菩薩摩訶薩等及大聲聞作如是念我等決定住於彼土大集會中莊嚴之處及彼佛刹功德莊嚴普觀察之見釋迦如來已修行供養我等於彼佛所得阿耨多羅三藐三菩提記時彼十方一切佛刹微塵等世界諸菩薩摩訶薩等及大聲聞釋迦如來神力加故各自佛刹於刹那羅婆摸呼多頃彼沒此現到娑婆世界時彼十方一一方分無量無數佛刹微塵等菩薩摩訶薩一切悉來到此佛刹地及虛空偏滿而住彼諸菩薩摩訶薩等各依菩薩種種善根若干力故修營供養釋迦如來且置是事或有菩薩於

此佛利雨種種華一切徧滿爲供養事供養世尊或有雨於種種真珠乃至或有金銀毗琉璃玻璃石藏寶摸薩羅牛頭栴檀龍堅栴檀多摩羅葉悉以爲木雨滿虛空爲供養事供養世尊或有雨於種種嚴飾諸莊嚴具衣服綺繡爲供養事供養世尊或堅種種幢旛寶蓋爲供養事供養世尊或燒種種之香或散種種寶鬘或擊種種妓樂或有示現種種歌舞或有種種香水雨此方地而灑潤之或有種種寶器盛滿香水以華果葉而莊嚴之於世尊前捧持供養或有種種種寶於世尊前捧持供養或有種種寶器盛滿香水以華果葉而莊嚴之於世尊前捧持供養或有種種寶樹種種天衣華果莊嚴舉手捧持於世尊前爲供養事或有化作大梵天身合掌佛前乃至廣說如前所作或有化師子之形於世尊前如是禮拜彼諸衆生以佛神力及自善根加護力故互相觀視於自眼根不取諸色以佛世尊現如是相及魔王所作大境界天之所作若干境界及以如來自念處正斷神足根力覺道十八不共法諸佛境界若干變現隨世尊後入王舍大城向彼中街蓮華之所世尊到已以右手掌摩蓮華葉而挽住之時彼蓮華因挽動故於此佛刹一切魔宮魔所坐處悉皆震動彼魔男女所有

眷屬及諸徒衆所居住者皆生怖畏驚愕而住自相謂言無因無緣我此宮室如是震動莫復我等魔王境界自失位耶莫復我等所住宮室滅沒之法於此起耶我等今者決須觀察時彼諸魔見此事已作如是念此佛刹土昔是五濁誰復今者能令如是微妙莊嚴甚可愛樂時彼諸魔於自境界所居住處并諸眷屬悉不復現惟見釋迦如來三十二相大人之相具足莊嚴光明赫奕甚大顯照於此一切三千大千世界及一切佛刹種種諸相色貌現住衆生普偏而無有一可識衆生時彼一切無量衆生於世尊前悉向佛曲躬合掌恭敬說如是偈

我以清淨心 彙依於世尊 速放我令去

爾時世尊以偈答曰

我不障一人 來者及去者 汝若能知道
隨汝欲所去

卷一
經

寶光陀羅尼經卷第一

七

二六五

爾時魔王復說偈曰

如我所欲去 所樂自宮室 今見五種縛

瞿曇之所縛

爾時世尊以偈答曰

我斷諸分別 自脫脫世間 我既解脫縛

令他離惱害

爾時世尊卽以佛眼觀視一切此佛刹土地及虛空衆生徧滿而說偈言

汝等今當聽

一切普來者

棄捨諸疑惑

且各默然住

世間佛難值

法僧值亦難

具足淨信難

菩提行復難

親於世尊前

得聞法甚難

能修於諸忍

此一時亦難

調伏心爲難

及修於空行

能斷諸分別

一切世間惡

菩提行難得

如我先所行

我當爲汝說

但說一華分

闍陰令滅壞

示現無上道

所得菩提者

今當斷三垢

聽大師善說

度彼岸諸流

捨諸大渴愛

建立三解脱

安立三護等

三界諸煩惱

散滅令無餘

汝爲供三寶

復爲法故來

世尊天及魔

三世加護故

三世惑覆心

皆得最勝斷 得解脫三界 滅煩惱之忍
 及四種顛倒 顛倒諸凡夫 分別無體性
 彼非有忍器 眼等著諸色 身口意覆翳
 彼無四禪定 親近於生死 聰明智慧者
 能修於禪定 彼今得解脫 離於四顛倒
 及解脫衆生 自在拔四流 解知諸起滅
 所有調柔者 當得度彼岸 菩薩具四行
 及以無所畏 正智皆能斷 衆生諸有縛
 能解知五陰 無漏離羈縛 不復數數生
 到有海彼岸 汝等諸佛前 速發露諸惡

諸惡斷無餘 到彼無畏岸 所有生死苦
 隨受有爲者 數數生諸有 隨逐於惡友
 當遠離惡友 斷除於惡見 憶念生死苦
 修習第一義 當飲無上水 應修習於空
 第一義無體 無實亦無相 六根猶如空
 此中無作者 分別相如是 惟分別無法
 六受及六愛 六觸爲其本 六觸入如是
 亦須解知空 觀察無一物 如法自體性
 無起亦無滅 此中見無實 諸法同法性
 三世無一物 若知無熱惱 此道最無上

經

離十三我相 生想分別 如是修羼提
此彼得解脫

爾時世尊以無礙福力而無所畏依種植善根故能變現出大圓音聲徧十方說如此偈爾時十方無量阿閦毗恒河沙譬喻等諸空不空五濁世界悉皆聞此圓音演說聞此聲已彼刹那頃如是一一無量佛刹無量無數百千俱胝那由他等所有衆生甚無所欲唯有清淨愛樂之心於往昔所得阿耨多羅三藐三菩提更不退轉或得種種三摩提羼提陀羅尼於此佛所集無量無數衆生聞如此句義文字已卽得

阿跋致復有無量無數衆生於三乘法各隨得度爾時光味菩薩摩訶薩以已神力化作七寶階以華徧布其上爲蓮華座欲令如來昇此座故向佛恭敬曲躬合掌說如是偈

佛一切智月 觀世老病死 憂患所沒溺
世間動不動 爲彼作法橋 佛觀瀘刹土
無量大衆生 悉皆合掌待 分布施法會
示視已所得 破衆生煩惱 無比方便智
於此普示現 佛昇蓮華座 普雨大法雨
十方一切佛 及餘智大仙 與佛作證明

經

寶星陀羅尼經卷第五

六

三

牟尼因陀羅 降伏天魔王 自性空無有
 知法如虛空 憶念昔誓願 轉無上法輪
 今當拔衆生 住於四流者 人中師子王
 佛今知此法 令度三有海 佛說無等法
 除衆生罪垢 世尊大智慧 利益諸衆生

安置善逝道

爾時世尊如其所化寶階之上蓋頭摩座昇蓮華臺
 如來坐已徧觀十方一切大衆告魔王言汝今於此
 應生歡喜由汝因緣今得此處大集法門說此法時
 無量無數所有衆生今世來世皆得解脫處胎殃橫

老死四流普各得度住吉祥道又復令得虛空等智
 魔王汝今此處爲首令諸衆生善根增長魔王汝可
 請我說法令此衆中高慢衆生度諸流故而爲說法
 是時魔王說如是偈

瞿曇若無過 及無瞋慢者 云何驚動我
 今此說大法 若有此瞋慢 云何得解脫
 我今未審知 牟尼爲我說

爾時世尊以偈答魔王曰

我處十月胎 同彼人中事 汝魔欲害我
 我都無穢憎 我忍度諸惡 穢惡悉無餘

經

寶星陀羅尼經卷第五

七

1 2 3 4 5 6 7 8 9 20

1 2 3 4 5 6 7 8 9 20

經

寶星陀羅尼經卷第五

三

我既出生已 汝復動大地 雨石來害我
復欲斷我乳 令乳速乾竭 無量不愛事
何種而不作 我住禪定時 遣諸女惱我
我又乞食時 障他令不施 請我作國王
令我轉生死 踰城出家時 復令夜黑闇
兵衆圍繞城 是皆汝所作 我乘神通往
復放大風雨 令地爲溝坑 復石高溝路
我住寂靜林 現作畏惡聲 於彼苦行處
吹作切寒風 在河欲度處 汝復放暴流
現作猛獅子 復欲令殺我 我欲飲食時

汝以毒和食 我往菩提樹 雨下金剛雹
刀箭雨器仗 罢縗法衣服 悉欲令塗汙
我處金剛座 利益諸衆生 彼時汝亦遣
諸女來惱我 汝并將軍衆 不憶害我時
我無微塵意 於汝作惱亂 我證無上道
已曾降伏汝 汝今乃無恥 復說是惡語
往以惡方便 惱大迦葉等 無量衆生善
汝皆所滅壞 汝旣無悲憐 今復欲害我
我入城乞食 復放克醉象 調達放大石
三月食大麥 孫陀羅惡聲 火坑惡毒食

經

聖賢法華經卷第十五

三十二

是皆汝所作 決定重惡業 汝昔向道樹

威力并軍衆 以無量刀箭 持來欲害我
不動我一毛 何故復住此 如爲醉毒塗

起發俱胝魔 那由他衆生 來潰此佛刹
如是證知我 我住慈悲心 摄汝及衆生

而汝常於我 極作惡障礙 此諸牟尼尊
因陀羅牛王 悉現證知我 我今於惡時

施作於佛事 我爲衆生故 住於解脫心
縱汝加諸惡 我終不捨忍 我無嫉妬意

穢惡諸過患 我爲隨攝汝 如是常勤勞
爾時魔王復於佛所倍增瞋恨從此欲去自知五縛

卽欲出於可畏之聲復不能出以已瞋力發熟毒氣
其氣猛盛欲害如來是時世尊以慈善力變此惡氣
爲蘇摩那華蓋偏覆十方一切佛刹於一切諸佛壽

命安隱現說法者蘇摩那蓋於虛空中近佛頂住時
我欲寂滅汝 今應請我說 甘露第一法

令三界寂滅 爲汝除惡業 汝速清淨意
於我生依怙 我常清淨心 欲令汝解脫

汝常懷惡心 應當捨惡見 意作清淨信
汝今當覺知 不久得授記

東京大学総合図書館所蔵

彼佛刹所有菩薩摩訶薩各各請問今此華蓋從何而來是誰神力之所變化時彼諸佛各答所問諸菩薩言諸善男子彼有世界名曰薩訶五濁不淨有佛世尊名釋迦如來阿羅訶三藐三佛陀以本願力故成阿耨多羅三藐三菩提已現在說法爲欲摧滅諸魔境界力故豎立一切諸佛力無所畏佛境界故豎立一切諸佛教法三寶種燈令久住故一切善根增長故以精進神力變化降伏一切外道之怨故一切驚怖不吉諍論惡夢惡相內外怨敵鬪諍繫縛言訟不和水旱荒儉非時之雨寒熱風溼疫氣病癘惡聲

消滅故一切天龍夜叉人非人等悉令廻向故一切刹利亦令廻向故一切四姓誨以法義然智慧炬示以正路故一切家宅城邑聚落人王斷事國王王宮市廛之處悉令廻向故一切星曜晝夜度數半月一月時節年歲悉皆正行故一切五穀華果藥草悉皆成熟故一切工巧生業處所不令散失所作成熟故一切身口意業過患悉得消滅故善作籌量念慧總持勇猛無畏色相樂說悉皆增長故一切法無障明覺四聖種法作受持故光顯大乘增長菩薩摩訶薩安慰阿毗跋致地金剛心作護持故作十地一味故

解無生法忍受佛職建立菩提故所化衆生如所隨攝轉大法輪大悲普覆一切衆生住波羅蜜住無上道雨於法雨以法滋味充足衆生故滿足一切諸佛之事解脫一切四魔境界故建立無餘涅槃之界故有陀羅尼印名金剛法等因緣法心建立一切法摧碎入差別記欲說故一切過去如來阿羅訶三藐三佛陀名金剛法等因緣法心建立一切法摧碎陀羅尼印句入差別記說受持互相隨喜及現在十方諸佛住世壽命將養一切諸佛亦說彼金剛法等因緣法心建立一切法摧碎陀羅尼印句入差別記現說

受持互相隨喜於未來世十方世界諸餘如來阿羅訶三藐三佛陀所有諸佛當出於世亦說此金剛法等因緣法心建立一切法摧碎陀羅尼印句入差別記亦當說受持互相隨喜爾時彼諸佛刹所有菩薩各各請佛白言世尊此是何法我昔未聞金剛法等因緣法心建立一切法摧碎陀羅尼印句入差別記能作如是無量利益能具足如是不可思議法利能作一切法無障礙明乃至寂滅諸佛世尊說此金剛法等因緣法心建立一切法摧碎陀羅尼印句入差別記時一切魔力境界磨滅乃至於彼無餘涅槃而

般涅槃於諸衆生無量利益無量安樂爲欲憐愍一切世間利益安樂無量天人衆生聚故時彼諸佛告彼菩薩作如是言善男子我亦共汝往彼娑婆世界釋迦如來阿羅訶三藐三佛陀之所住處所有十方現在世尊壽命將養諸餘世界彼諸世尊共一切菩薩前後圍繞并聲聞僧挾侍於前彼諸世尊亦當往彼釋迦如來大集會所彼釋迦如來共諸佛亦當說此金剛法等因緣法心建立一切法摧碎陀羅尼印句入差別記當共受持當互隨喜利益衆生遮惡業行爲滿賢行滿無上智故一切諸佛今悉集彼與諸菩薩聲聞僧等圍繞挾侍今悉現前在彼佛所若汝欲得此金剛法等因緣法心建立一切法摧碎陀羅尼印句入差別記應往彼聽及欲供養無量無數恒河沙等之所譬喻一切佛刹諸佛世尊一時現在及欲見彼昔所未見諸佛境界菩薩境界諸天境界諸魔境界佛刹莊嚴之所嚴飾及欲見彼昔所未見無量佛集者今正是時可共我等往彼世界釋迦如來所住之處大集法會時彼菩薩摩訶薩各白佛言如是如是大德世尊我等當與如來俱往彼處娑婆世界釋迦如來所集法會於彼佛所昔所未聞爲聽彼

法金剛法等因緣法心建立一切法摧碎陀羅尼印
 句入差別記故我等於彼無量無數諸佛世尊一時
 一集住世將養者得供養故及聞彼法我等於娑婆
 世界得見彼四種神通境界嚴飾普莊嚴事及見彼
 大集法會莊嚴我等若往彼佛刹說陀羅尼時得容
 止處不及承事供養彼佛聽法以不又彼如是所集
 徒衆菩薩摩訶薩得供養不時彼諸佛各各告彼諸
 大菩薩摩訶薩及大聲聞作如是言諸善男子汝等
 莫疑於彼世界有容止處不何以故諸佛境界入無
 邊平等智巧無邊成熟衆生無邊廣博空處諸善男
 子彼釋迦如來大巧方便具足善男子所有衆生衆
 生界所攝者但界入所依處彼諸衆生若一一衆生
 假使如須彌等身彼釋迦如來能令一切無量衆生
 如是等身入芥子中一一衆生所居之處皆得廣博
 空處遠不相見一切衆生如是大身入一芥子而不
 覺知有增減相復次善男子所有地界是堅韌者釋
 迦姪亦悉能令彼一切地界入一最細隣虛塵中彼
 大地微塵亦不覺知有增減相是名如來巧方便智
 如是具足復次善男子一切水界所有津潤釋迦如
 來悉能令彼一切水界入一最細毛端之中彼一毛

1 2 3 4 5 6 7 8 9 20 1 2 3 4 5 6 7 8 9 20

端一切水界亦不覺知有增減相復次善男子一切
火界所有暖相悉能令彼一切三世所有火界入一
最細隣虛塵中而彼火界入細微塵行自境界猶如
廣博虛空之處復次善男子所有風界所覺者釋迦
如來悉能令彼一切風界入一毛孔彼一切風於一
毛孔行自境界猶如廣博虛空之處復次善男子十
方佛刹一切衆生及彼四大釋迦如來悉能令彼入
一最細隣虛塵內一切衆生并彼四大行自境界所
用之事猶如虛空不相娆亂亦不覺知彼一微塵有
增減相是名如來巧方便智如是具足復次善男子

乃至三世所攝衆生六入行取願持語言音聲文字
言說三行作業陰界分別長養種種所作彼一切衆
生往昔已來三世所攝六趣生死起滅乃至一切衆
生三世所攝過剎那羅婆卒忽多者乃至一切衆生
三世所攝乃至及一切衆生三世所攝受所受苦樂
覺知彼一切一剎那頃彼釋迦如來悉能覺知若干
諸相悉具足知而如來不分別無分別無思念如三
世際悉知是相善男子諸佛入境界智方便平等成熟
衆生方便具足爾時諸佛說釋迦如來如此相時
種種諸方彼諸如來各各徒衆無量無數百千菩薩

1

2

3

4

5

6

7

8

9

20

1

2

3

4

5

6

7

8

9

頤智神通勝妙境界皆度彼岸
寶星陀羅尼經卷第五

浙江嘉興府平湖縣信士朱萬燭捐貲刻此
寶星陀羅尼經第五卷爲薦先祖萬氏存年四
十九歲原命己酉相六月初五受生卒于丁酉
年十月十三日身故願祈往生蓮界速證菩提
計字六千二百三十六該銀五兩一錢一分三
厘梨板七塊該銀五錢三分二厘
順治丁酉歲仲冬曆升子鄒煥萍衲方來仝較
李自新募梓

木ノ十三

0 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220